

四庫全書

史部

欽定四庫全書

史部

唐會要卷八十一至

詳校官編修臣溫汝道

編修臣程嘉謨覆勘

總校官降調編修臣倉聖脉

校對官中書臣王學海

謄錄監生臣孫廷玉

欽定四庫全書

唐會要卷七十九

宋 王溥 撰

諸使下

諸使雜錄

太和二年六月中書門下奏諸道觀察等使奏請供奉
官及見任郎官御史充幕府貞元長慶已有勅文近見
因循多不守舊酌時議禮事在變通如或統帥專征特

恩開募戎府初建軍幄籍才事關殊私別聽進止此外一切請准前後勅文處分勅旨依

三年七月勅諸道進奏官等舊例多是本道差文武職掌官充自後遂有奏帶正官者近日又有請兼檢校官及憲官者遞相援引轉無章程自今以後更有奏請帶正官不得兼檢校官及憲官如準諸道諸使職掌官例諸檢校官及兼憲官充則不得帶正員官其見在進奏官已有檢校官兼憲官者且聽仍舊至改轉時商量處分

其年十二月中書門下奏伏准五月八日勅節文諸道
諸使奏判官所奏雖官資相當並請限曾任正官經六
考以上者比擬監察侍御史九考以上者與比擬殿中
侍御史以上節級各加三考如曾諸色登科超資役官
者不得在此限所奏憲官特置考限今防僥倖深合至
公然節文之中或有未盡臣等再商量如京六品以上
清資官并兩府判官及進士出身平判入等諸色登科
任官又不在此限其在使府及監察已上者亦任準元

和七年八月二十二日勅節文依月限處分餘望准前
勅施行依奏

四年四月中書門下奏自元年以來頻有計代諸道薦
送軍將其數漸多臣等商量應諸道軍將官至常侍大
夫職兼知兵馬使都押衙功績顯著本道官職可獎者
即任薦送其餘官職未高才能可錄所在軍鎮合驅使
自今後軍官未至常侍及職兼都虞候都知兵馬使都
押衙者不在薦送限但仰本道節使看其功績顯著與

改轉職已至高者檢校官兼官宜與奏改如有功績殊
尤合不次超擢者即任別具事跡聞奏亦不在便薦送
限又應諸方鎮或因移易停罷其使隨元從軍將只合
本道量才驅使不情願住者一任東西不合更來朝廷
別求僥倖勅旨依奏

其年五月勅置䟽決囚徒使以清強御史二人為之應
京城諸司見禁囚徒宜令䟽決處分具輕重聞奏

其月勅西都兩京兆惟管一郡分置兼屬本因艱難若

四方少事則舊制為便其都防禦觀察使額宜停所管兵馬使屬本州防禦使

五年十月勅樓煩監收及造水等使宜共置判官一員巡官一員

六年十二月勅隴州防禦使宜準長慶二年九月十八日勅例置判官一員其兵馬留後判官勒停

九月五日中書門下奏准太和七年七月十四日勅諸道進奏官令揀擇清慎人充非因過犯不得停罷如方

鎮自要腹心委寄任於本道差見任官充又准太和元年九月十九日勅不許授別官今日以後並請準元和勅處分如邊上無俸料處只得授近處官亦不得占江淮好闕其新進奏官仍須守職二年復無敗闕方得奏官勅旨依奏

其年十二月左僕射合諸道奏諸節使新授具袍祿帶器仗省中參辭兵部尚書侍郎者伏以軍國異容古今定制苟不由舊是謂改常未聞省閤之門許入弓刀之

器伏請停罷如須參謝任具公服到本縣交割兵馬指實申奏從之

開成元年十一月中書門下奏准太和十一年七月二十六日勅諸道節度使下都押衙都虞候約五年以上方得改轉押衙兵馬使約七年以上方得改轉三萬人以上軍兵每年許奏四人其序遷合與憲官者以曾歷兩任奏授賓詹者與監察以次遷序止於侍御史其御史中丞以上官並須因戰功方得奏請諸道團練下萬

人以上軍所奏不得過殿中侍御史如未有憲官者不在奏限萬人以下軍因戰功並不得奏論請勅旨依奏二年十二月中書門下奏諸道節度使觀察都團練使請朝官任使準貞元二年勅中書門下有供奉官及尚書省御史臺見任郎官御史諸司諸使並不得奏請任使伏以周之列國咸有命卿漢代諸侯皆建傅相蓋以崇重五爵施之寵榮賈生為傅於長沙管仲讓王之上禮出其廷彥且命為卿經史垂文古制斯在况貞元之

時戒慎之事比於今日頗謂不同聖朝授任惟公賢才
是急實惟上介悉欲文行命職稍重而有才人涉歷練
達武經出入往來便堪獎用是朝廷之所利誠方鎮之
得人希古濟今匪宜專執酌於臨事可否在茲臣等商
量諸節度觀察都團練使朝中素有相知者許奏一人
軍副使童服準太和三年五月八日勅如素無相知不
奏亦聽其方鎮帶相及自廟堂平章事出鎮者任約舊
例奏署庶使藩方益重委任程才其今日以前應奏署

勅已行者雖關前勅人數至少或遵成命難又追移請自此已後不得違越勅旨依奏

三年四月中書門下奏宰相帶平章事出鎮應朝官充使府職事任約舊例署庶使藩方益重委任程才謹詳勅文意在明許亦不定言人數及所請職名臣等商量起今以後宰相自朝廷出鎮奏請朝官及刺史佐幕前後更五人數內有遷轉停罷者或須填替任奏來如或辟用他官不奏亦得官至侍御史以上者即許奏章服

便為例庶可通行勅旨依奏

四年六月中書門下奏諸道節度使叅佐自副使至巡官共七員觀察使從事又在數內雖大藩雄鎮有藉才能而邊部遐方豈易供給況行軍之號本繫出師叅謀之職尤是冗長其行軍司馬及叅謀望勒停省見任人如本道有相當職員任奏請改轉其餘官序稍高者許隨表赴京到日量才獎用侍御史下各合舉薦節度判官舊額雖有兩員近日請諸道亦不盡置起今已後望

以一員為定其課料等本是供軍數內戶部不可更支
勅旨依奏

七月勅諸道闕入仕人數轉多每年吏曹注擬無闕唯
河北諸道河東澤潞劍南三川京兆西員官數多假攝
之中實有勞效每年許奏三兩人仍須是元額闕不得
替見任人其餘並不得奏入

會昌三年四月勅諸道節度使觀察使以後發期悉不
得過七日

其年五月勅比來節將移改隨從將校過多非惟妨奪舊人職員兼亦費用軍資錢物節度使移鎮軍將至隨身不過六十人觀察使四十人經畧都護等三十人宜委監察軍使及知留後判官具名奏如違此數知留後判官量加懲罰監軍使別有處分自今以後節度使等如罷鎮赴闕應將官吏將健隨赴上都者並隨使停解縱有帶憲官充職亦勒停其間或有是功勲重臣舊將校人數稍多者離鎮後已停解即須具人數聞奏當與

量事宜處分

四年二月御史臺奏準會昌三年十一月十三日勅諸道奏官或有一人兼知四五道奏進兼並貨殖頗是偉門因緣交通為弊日甚向後兼知不得過兩道以上者各委本道差替聞奏仍委臺司檢勘並已各牒本道準勅差替訖竊慮改名補職不離一家原是本身虛立名姓伏請從今以後如知兩道奏進外一家之內父子兄弟更不得知諸道奏進如有違犯臺司準前察防勅旨

依奏

五年六月勅諸道所奏幕府及州縣官近日多預鄉貢進士奏請此事已曾釐革不合因循且無出身何名入仕自今以後不得更許如此仍永為定例

其年九月中書門下奏條流諸道判官員額西川審有十二員望留八員節度副使判官掌書記觀察判官支使推官雲南判官巡官淮南河東舊額各除向前職額外淮南留營田判官河東留守判官幽州淄青舊各有

九員望各留七員幽州除向前職額外留盧龍軍節度
推官淄青除向前職額外留押新羅渤海兩藩巡官山
南東道鄭滑河陽京南汴州昭德鎮州易定鄆州魏博
滄州及陳許徐州充海鳳翔山南西道東川涇原邠寧
河中嶺南以上舊各有八員望各留六員節度副使判
官掌書記推官觀察判官支使振武靈益夏州鄜坊舊
各有八員緣邊土地貧望各留五員節度副使判官掌
書記推官觀察判官浙東浙西宣歙湖南江西鄂岳福

建以上舊各有六員望各留五員團練副使判官觀察判官支使推官縣中舊有十員望各留六員經畧副使判官招討判官觀察判官度支鹽鐵判官東都留守陝府舊有五員並望不減天德舊有三員亦望不減司州舊有四員商州兩員並望不減防禦副使莘州泗州各有兩員並望不減楚州壽州各有三員壽州望減團練副使一員楚州望減營田巡官一員汝州鹽州隴州舊各有一員望不減桂管舊有六員望減防禦巡官一員

容管舊有五員望減招討巡官一員延州舊有兩員望減防禦推官一員樓煩龍波舊各有兩員望各減巡官一員右奉聖旨令商量減諸道判官約以六員為額者臣等商量湏據舊額多少難於一例停減今據本鎮額量減數亦非少仍望令正職外不得更置攝職仍令御史臺及出使郎官御史專加察訪勅旨依奏

大中二年七月中書門下奏黔中鹽鐵使判官開成中已停減不置臣等商量望黔中置經畧推官一員其鹽

鐵判官望令依舊額却置勅旨依奏

其年十月中書門下奏伏以銀青借兼檢校賓客官及朝散大夫階並三品資厯白身不合虛豎奏官近年諸司使多虛豎此色頭脚奏請授官求中上州司馬及上州判司踰濫僥倖莫甚於此臣等商量自今以後諸司諸使應合奏授正官者並不得虛豎前件官階奏請如節使不守章程依前論請奏聽進止其諸道差知進奏官亦望准此處分勅旨依奏

三年三月中書門下奏伏准太和六年六月御史臺奏
本置官員藉其任守吏曹注擬皆是職司况調選須有
出身合年十五以上比及於選入以十年則二十五足
可以為成人矣今則皆稱年小奏請勾當所在皆承積
習成例若實年小即不合早補身名若補實當年又何
慮為官不了合請諸道方鎮子孫應選授及奏授官一
切勒歸本任不得輒有奏留如或恩出殊常賜及一子
者年十三以下即任奏聽進止奉勅宜依者臣等謹詳

勅前約勒非不丁寧近日不守勅文例皆請奏臣等商量自今以後諸道節度觀察防禦經畧等使如或特降恩賜制及一子官年十五以下者即望許奏請勾當留除外其餘並望准前勅處分其見在千牛進馬並准今年三月三日勅處分

其年四月勅如聞朝臣出使外藩皆有遺賂是修敬上之心或多或少號為人事從前如此率為常例今邊上受命撫戎類須發使若每使許循舊例則十方竟至因

窮如使前不與編欄又使臣難為辭拒其出使朝廷邊
上一物以上並不得受領却到京後方鎮亦不得輒寄
附

其年五月勅藩鎮改移見在倉庫錢穀既已得替使屬
新人向前曾有勅文更給留別歲月深久官吏因循苟
徇軍情不守朝典自今以後節度觀察使除替改更不
得給留別限仍勒知後判官及本曹官典功加檢舉如
有違越當重科懲

五年十月中書門下奏伏見諸道及州府知縣令錄事
叅軍有闕及見任官公事闕敗切要替換即任各舉所
知聞奏及須蒞官曾有課績處已必能清廉如論薦不
當舉主先議懲殿其判司叅軍文學縣尉丞簿不在奏
限其河東潞府邠寧涇原靈武振武廊坊滄德易定夏
州三川等道或道路懸遠或俸料單微每年選人多不
肯受若一例不許則都俸不在給留別限仍勒知後判
官不許則都無正官今請前件數道除縣令錄事叅軍

外其判司縣尉丞簿每年豐許奏三員須是原額闕不得替考深入其闕一年吏部不註即註且差攝二年吏部不註然後許奏請仍資序不得超越如是散職及外身不得奏第二任官其京百司除職事外不在更奏官限勅旨依奏

其月勅會昌三年六月八日已有明勅應文武官除授諸道節度觀察經畧防禦使及就加官爵等起今以後與送官告旌節使人事物不得過三千匹為定制令諸

道各有舊例有過三千匹者宜准勅減不得違越

六年十二月中書門下奏應諸道節度使觀察團練使防禦經畧等使所請俸料職田祿粟時服雜給並諸色人事用度等先奉聖旨令條疏奏來者伏以藩鎮之任寄切分憂一方慘舒繫在長吏近者所在軍府多稱窮空不給因緣增添費用滋廣不遵往例惟徇人情物力既困於公家誅歛終歸於百姓稍能釐革裨益實多處置之初必有定額歲月深遠或多更改望令諸道帥臣及

長吏各詢訪事例僉尋簿書其間苟踰舊規及有新置並宜除去務至公於軍府州鎮經營利綱等項相承既久併絕則難有害於人亦宜禁止奉勅宜依

其月中書門下奏觀察使職當庶問位重維藩受明王之寵寄同國家之休戚豈可但享榮貴惟務優游羅聲色以自娛顧凋殘而莫問縱逃顯責必受陰誅自今以後並請責其成效專其事權使得展意盡心恢張皇化敬事以守法度節用以減征徭有利於國者必行不以

近名為慮有害於人者必去不以徇例為辭絕連夜之
酣歌務盡心於議讞常推此道方免曠官其巡屬州縣
須知善惡歲考校具以聞隱而不言罪歸廉帥應有所
論薦須直書事蹟不得虛詞有所舉聞須盡錄奸賊不
得隱漏懦弱不任職者奏免不得徇情清強能立事者
上陳不得蔽善如此即上下相制遠近相臨同推至公
共成致理勅旨卿等所條䟽庶問牧宰等事實繫生靈
惓舒宜依

咸通九年十二月二十三日勅司農寺丞薛瓊可贊善大夫充徐廬壽州招召鄉兵使

十二年七月中書門下奏諸道節度防禦使下將校奏轉試官及憲御等每年量許五人都團練防禦使量許三人為定不得更於其外奏請其兼御史中丞以下即准勅文條疏須有軍功方可授任今後若顯有戰功任其事蹟申奏檢勘不虛當以處分此外不得更有奏請其幽鎮魏三道宜且准舊例處分

其年中書門下奏准今年六月十二日勅釐革諸道及諸司奏官並請章服事其諸道奏州縣官錄事叅軍縣令或見任公事敗闕不理切要替換及前任實有勞效並見有關員即任各舉所知每道奏請仍不得兩人其河東潞府邠寧涇原靈武鹽夏振武大德鄜坊滄德易定三州等道觀察防禦使嶺南五管每年除令錄外許量奏簿尉及中下州判司縣丞共三人偏州不在奏州縣官限其縣中所奏州縣官及大將管內官即任准舊

例處分在京諸司及諸道帶職奏官或非時受替考限未滿並却與移資官

天祐元年四月勅令後除留宣徽兩院山馬坊置德庫御厨客省閤門飛莊院九使外餘並停廢其內園水井公事委河南府勾當至二年二月十六日勅只置宣徽院使以權知樞密事王殷充副使以趙殷衡充其樞密使並宣徽南院使並停所司勒歸中書宣徽院人吏不得私出本院與人交通諸道勾當事人亦不得到院凡

有公事並於中書論請

諡法上

舊制諸職事官三品以上散官二品以上身亡考佐史錄行狀申考功考功責歷任勘校下太常寺擬諡訖復申考功於都堂集省內官議是然後奏聞贈官司職事無不稱公若蘊德邱園聲實明著雖無官爵亦奏賜諡曰先生也

文

按諡法經緯天地曰文勤學好問曰文能定典禮曰文錫民爵位曰文經邦定譽曰文

贈中書

令楚國公上官儀贈兗州都督沛郡公韋叔夏贈兗州
都督扶風縣公蘇珣贈衛州刺史清河縣子崔融贈太
子少保彭城縣東海縣公徐堅贈太子少保彭城縣公
劉知柔贈幽州都督彭城郡公韋湊贈潤州刺史常山
縣公馬懷素贈禮部尚書舒國公褚無量贈益州大都
督固安縣公盧從愿贈江陵大都督宿預縣公王丘贈
江陵大都督襄陽縣侯席豫贈禮部尚書賈至贈禮部
尚書韓愈贈右僕射潘炅贈太尉令狐楚贈左僕射權

德興故襄州節度使李翱贈司徒李路故太子少傅白
居易大中三年十二月中書侍郎平章事白敏中上書
請行謚典從之下太常謚曰文

武

尅定禍亂曰武威強睿德曰武開土拓境曰武帥衆以順曰武折衝禦侮曰武

贈太尉霍國

公王思禮贈司徒扶風郡王馬璘太尉李愬

博士王士威請為李

愬改謚以李愬父謚曰武已有武字不合同稱
宜令所司重定博士方從實執中請依前謚武

獻

聰明睿知曰獻敏惠德元曰獻聖哲有謀曰獻

太常卿邠陰男薛收贈禮部

尚書常山郡公元行冲贈祕書監衛密贈太子太傅敬括

懿

溫柔聖善曰懿愛人質善曰懿柔克有光曰懿體和居中曰懿

贈益州都督安德郡

公楊師道贈兵部尚書武陽郡公李大亮贈吏部尚書

永寧郡公王珪贈潤州刺史來恒贈太子少保張文瓘

贈幽州都督鄭國公楊崇毅贈兵部尚書正平縣公裴

淮贈禮部尚書源洧贈秘書監姚子彥贈左散騎常侍

趙復贈揚州都督蕭昕兼御史大夫鄭叔則贈工部尚

書蔣乂故禮部尚書許康佐故東川節度使馮宿贈左

僕射辛秘贈左僕射馬總

宣

聖善周聞曰宣施而不秘曰宣善問周達曰宣

贈太傅盛王琦贈太子太師

漢中郡王瑀贈幽州都督廣平郡公劉祥道國子祭酒

趙弘智贈太尉魏王武承嗣贈太尉梁王武三思贈吏

部尚書王延昌贈太子少保鮑防贈尚書左僕射歸崇敬

贈兵部尚書陸贄贈工部尚書薛平贈右僕射鄭澣

昭

聖問周達曰昭明德有功曰昭

尚平陽公主贈並州都督固安郡公

崔敦禮特進金城郡公李珍贈幽州都督趙國公李湛

荊州大都督舒國公韋巨源

景雲元年太常寺謚巨源曰昭戶部員外郎李邕駁

曰三思引之為相阿韋証之為親無功而封無德而祿同族則配正安石他人則附邪楚客謚之曰昭良恐未當博士李處直固諱前謚為定邕又駁曰夫古之謚議在乎觀德將使小人之業冀君子之風故為善者雖存不貴仕而歿有餘名此賢達所以守節也為惡者雖生有所幸而死有所懲此回邪所以易心也嗚呼巨源蒙被秦養而乃聞義不從與惡相濟任訕上之志叶羣凶之謀苟容聖朝貪昧享祿故有宰臣之貴不崇朝而賈害者國家得而誅之也彼則匹夫之微未受命而行刑者匹夫得而誅之也幽明之憤斷焉可知天地之心自此而見今乃妄加褒述安能分謗者哉雖有此議竟謚為昭也

贈吏部尚書齊國公崔

日用贈戶部尚書韋元甫贈刑部尚書李兼尚書左丞

贈太師崔儼贈司空李復贈司空鄭綱贈司徒趙宗儒

元

始建國都曰元行義悅人曰元恩能辨衆曰元至善行德曰元忠肅恭懿曰元宣慈惠和曰元贈司

空河間郡王孝恭贈并州都督畢國公阿史那社爾文

昌右相扶風郡公韋待價贈司空苗國公豆盧欽望贈

秘書監朱敬則贈鄴郡太守趙良器贈尚書左僕射東

海郡公于休烈黃門侍郎崔渙贈太子太傅李涵贈工

部尚書李建贈太保柳公綽

節

好蘆自尅曰節巧而好度曰節贈司空鄧國公殷開山贈工部尚書

范陽郡公張道源贈冬官尚書平昌縣男高瓌贈工部

尚書馮昭泰贈尚書左僕射裴封

景

考壽大益曰景布義行剛曰景繇義而濟曰景

禮部尚書黎國公溫大雅贈

幽州都督潞國公薛萬均邠王傳固安縣侯盧粲贈荊州大都督嗣虢王邕贈黃門監魏縣公畢構贈特進嗣寧王琳故忠武軍節度使郝士美贈太保劉濠贈工部尚書馮定

成

安人立政曰成制義克服曰成

贈司空萊國公杜如晦贈揚州大都

督河間郡公李義府贈越州都督天興縣伯姚璿贈侍

中平鄉縣公李德遠大理卿平安縣伯崔昇贈戶部尚書真源子李璿贈荊州大都督崔翹河南尹博陵縣公崔希逸國子祭酒韓洄贈尚書右僕射嗣曹王臯贈工部尚書郭隆贈工部尚書齊抗贈陝州大都督崔琮贈尚書右僕射吳湊揚州大都督趙昌故京兆尹李充贈工部尚書裴次元贈太尉李逢吉贈禮部尚書張侍方故洪州觀察使王仲舒

烈東德遵業曰烈贈左衛大將軍永安郡公王孝恭贈

安人有功曰烈

左衛將軍東平郡公程務挺贈荊州大都督涼國公契
苾何力贈輔國公將軍原國公田歸道贈太子少傅韋
光乘贈禮部尚書張孚贈尚書左僕射孫志直贈尚書
右僕射常謙光贈司空張獻甫贈鴻臚卿司馬逸客故
東臺侍郎同東臺三品荊州大都督府長史李安期

孝

秉德不回曰孝慈惠愛親曰孝叶時肇享曰孝五宗安之曰孝從命不忿曰孝幾諫不倦曰孝善事父母

曰孝嫻睦其黨曰孝慈愛忘勞曰孝博于備養曰孝尊仁安義曰孝贈司徒道王元慶贈

開府儀同三司虢國公楊仁恭贈戶部尚書裴守忠贈

兵部尚書道遥公韋嗣立贈禮部尚書崔沔岐王府長史裴子餘贈魯郡都督趙郡公李瑱贈太子太傅郭曜贈禮部尚書鄭果贈工部尚書韋溫故吏部尚書李景儉

康

溫良好樂曰康安樂撫人曰康令人安樂曰康

贈司徒鄧王元裕太子右庶

子安平縣侯李百藥贈太常卿豐城子姚思廉贈太常卿陽翟縣侯褚亮贈吏部尚書大安縣男閻立德贈原州都督嘉興縣子陸敦信禮部尚書新野縣公張俊贈兵部尚書潘孟陽贈吏部尚書并州都督楊師道

定

大憲慈人曰定安人法故曰定追補前過曰定安人大憲曰定純行不爽曰定贈司徒應國

公武士驍贈荊州大都督吳興縣公沈叔安贈并州大都督芮國公豆盧寬贈幽州都督燕國公于志寧贈秦州都督高都郡公李緯贈幽州都督范陽郡公盧承慶洛州長史裴懷節贈并州都督北平縣公張行成贈越州都督高智周隴州刺史會稽郡公于德方并州刺史李震贈太子少師徐浩贈太傅何進滔贈左散騎常侍王質

穆

布德執義曰穆
申情見貌曰穆

同州刺史蘭陵縣公蕭德昭幽州刺

史韋知正贈禮部尚書唐昭故閬州刺史顏防贈戶部

尚書潞州都督郝昂贈少保裴向貶授開州司馬宋申

錫

會昌三年五月起
復官爵追錫謚焉

貞

大憲尅就曰貞外內用情曰貞清白守節曰貞
圖國忘死曰貞內外無懷曰貞直道不撓曰貞

贈司

徒密王元曉贈開府儀同三司新昌郡公李綱贈太子

少保潁川郡公韓仲良侍中韓瑗贈幽州都督清丘縣

公崔義玄贈洪州都督博陵縣子閻立本贈泰州都督

武陽縣公韋琨贈右驍衛將軍河間郡公李友贈吏部
尚書石泉縣公王友慶贈幽州都督魏縣男崔神慶贈
益州大都督邢國公王及善贈幽州大都督譙縣子婁
師德贈益州大都督邢國公魏元忠贈天官尚書楊執
柔贈太子少傅武陽縣伯韋抗贈尚書左丞相廣平郡
公程行謨開元十四年謚曰貞岐王府長史裴子餘謚
曰孝同時列上中書令張說省之曰程裴三
謚可謂謚
之無愧者贈黃門監中山郡公李闕贈吏部尚書金城
縣伯李朝隱贈江陵大都督高邑縣伯李尚隱贈揚州

大都督南皮縣子韋虛心贈戶部尚書楊瑒贈潞州大
都督源復御史大夫崔器故國子祭酒贈秘書監楊頊
贈右散騎常侍韋常陝州大都督劉滋贈右僕射姚南
仲贈太子太保高郢贈禮部尚書盧坦贈太子少保裴
均太子太保鄭餘慶故潤州節度使路隨贈右僕射錢
徽贈兵部尚書孔幾贈右僕射李遜贈司徒李絳贈太
保韓臯贈司徒崔從贈司空王徽贈司空崔慎由贈戶
部尚書韋澳故工部尚書裴佖

簡壹德不懈曰簡平易不營曰簡理典不殺曰簡贈幽州都督沛國公鄭元璫

洪州都督平昌縣侯于貴寧贈泰州都督汾陰縣公薛
元超贈幽州大都督平恩縣公許圜師贈太常卿魏縣
子盧承業贈黃門監天水郡公尹正平陽郡太守柳渙
杭州刺史杜濟贈陝州大都督張式贈左僕射韋夏卿
故洪州觀察使薛放故桂州觀察使嚴謨

平布網紀曰平執事有制曰平理而無責曰平附不黨疏不遺曰平贈右衛將軍黎國

公裴行方蒲州刺史李素立贈太子太保徐申贈左散

騎常侍顏証

安

好和不爭曰安
寬容平和曰安

贈司徒江王元洋贈禮部尚書鄧國

公竇璡太保梁郡公蕭造贈工部尚書華國公竇誕贈

涼州都督廣德郡公李安遠贈岷州都督長道縣公姜

譽贈工部尚書紀國公段綸贈并州都督樂壽縣男長

孫操

懷

慈仁知節曰懷
執義揚言曰懷

衛王元霸

惠

慈仁好與曰惠
柔質受諫曰惠

贈司徒鄭王元懿贈侍中趙

郡公李懷遠太子右諭德梁郡公孔若思贈洪州刺史

崔光

德

綏懷來人曰德忠和純脩曰德強直溫柔曰德勤恤人隱曰德富貴好禮曰德忠誠上實曰德輔世長人

曰德寬衆憂役曰德剛塞簡廉曰德贈禮部尚書河南王贊贈靈州都督

夷國公李子和亳州刺史魏王武元爽贈司空李麟贈

太師杜審權贈禮部尚書崔郾

忠

危身奉上曰忠危身惠上曰忠讓賢盡誠曰忠危身利國曰忠慮國忘家曰忠盛衰純固曰忠臨患不反

曰忠安居不念曰忠贈左衛大將軍淮陽郡王道玄贈禮

忠廉方公正曰忠

部尚書嗣魯王道堅贈司空蔣國公屈突通贈工部尚
書江國公陳叔達贈秦州都督開化郡公趙茲景左驍
衛大將軍新興郡公馬三寶贈刑部尚書清河縣公崔
善贈尚書右僕射道國公戴胄金紫光祿大夫武昌縣
公靳孝謨贈尚書左僕射高康縣公馬周贈幽州都督
河清郡公房仁裕贈太子少師來恒荊州大都督崔知
溫荊州大都督宋國公唐休璟贈蘄州刺史許欽寂贈
開府儀同三司魯王武崇訓贈幽州都督梁國公魏知

古岐王傳弘農縣公楊景溫贈司空李德裕贈戶部尚書淮安郡國公李琇贈益州大都督清河郡公崔隱甫贈太尉賈循贈揚州大都督藥子昂贈太子太傅吳淑贈尚書左僕射孔巢父吏部尚書崔縱故秘書監裴清贈禮部尚書蔣清贈太尉李光顏

靖

柔德布衆曰靖寬樂令終曰靖恭仁鮮言曰靖

贈司空淮安王神通贈太子

少保長平郡王叔良贈尚書右僕射延安郡公竇威魏州刺史辛君昌鴻臚卿懷仁縣公郭嗣本贈越州都督

渭源縣侯顧琮贈太子太師吳國公竇希珍贈左散騎
常侍路應贈太子太傅崔損

質

名實不爽曰直章義掩
過曰質中正無邪曰質

贈蘭州都督清河郡公楊弘

禮贈太子太傅魏縣子崔神慶

戴

典禮不愆曰戴
愛人好理曰戴

祕書監瑯琊縣子顏師古

憲

博聞多能曰憲
聖善周達曰憲

國子祭酒彭陽縣公令狐德棻贈廣

州都督江陵縣子岑文本國子祭酒曲阜縣子孔穎達

贈司徒蔣縣公高季輔贈太尉聞喜縣公裴行儉汾州

刺史贈梁王武元慶常州刺史獨孤及贈禮部尚書皇

甫政贈太子少保歸登贈禮部尚書張薦太子少保許

孟容贈右僕射王彥威

威

強毅執正曰威猛毅強
果曰威有威可畏曰威

贈涼州都督懷縣公于伯億

贈戶部尚書田仁會涼州都督太原郡公郭知運

右司員外

郎崔原駁之曰郭知運承恩詔塋向五十餘年今請易
名竊謂非禮謹按禮經云禮時為大又曰過時不及非
禮也昔衛公叔文子卒將塋其子戌請謚于君曰日月
有時將塋矣請所以易其名者蓋以時不可踰今知運
既名不孚行數紀之前在門生故吏禮合謚今乃申
請殊不及時且其子英又項屬多故屢制方隅朝廷策

勲位崇端揆此正當禁不中之禮絕非義之求况今裂
土者接軫專征者百倍若率而行之誰曰無諳不唯有
司疲於簡牘抑恐名器等于草芥雖欲曲全竊將不可
又禮經云已孤暴貴不為父作諡若知運合諡而不以
其時則嗣子廢先君之德若不合諡而苟遂其志則先
君因嗣子而見尊以僕射而言既貽越禮之誚以國家
而言又殊旌善之禮請依下太常寺重議博士獨孤及
議曰禮時為大順次之將葬易名時或有故闕禮追遠
請諡順也公叔成請諡適當葬前謹案三百禮經三千
威儀曾不言已葬則不追諡况帝王殊途不相沿禮新
制禮所云不必有諡不云日月有時今請易名者五家
無非葬後苗太師一年矣崔諲四年矣盧程五年矣顏
杲卿八年矣並荷褒寵無異同之論獨知運不幸遂以
過時見抑苟必以已葬為節則八年與五十年其後一
也而與奪殊致無乃不可乎議云已孤暴貴不為父作
諡此謂其父無位而子居貴位不當以已之貴加榮于

父若知運者處方面重寄列位九卿茂勲崇名與衛霍
侔飾終之禮宜加於他將一等豈待因嗣子然後作謚
今之專征者率多起屠販皂隸之中雖乘風雲化為侯
王而其間祖父爵位與知運等當諸謚有幾何乃懼名
器等于草芥以是廢禮竊謂近誣考彼
載籍徵諸舊史易名之禮請如前議
贈揚州大都督

鄴公崔光遠贈司空嚴礪贈潞州大都督劉昌裔

剛強毅果敢曰剛右武衛大將軍永安郡公姜寶誼贈左武衛

大將軍戴國公左難當

肅剛德克就曰肅執心決斷曰肅贈左衛大將軍長平王叔良益州大

都督鄧國公竇軌兵部尚書信都男竇靜台州刺史襄

武郡公劉師立侍中齊國公敬暉禮部尚書孟溫禮贈

工部尚書呂諱

度支員外郎嚴郢駁曰今太常議制諱之說詳矣近日台司齟齬無匪躬之能

者乃挾瑕掩德非中道之言也國家故事宗臣之諡皆有二字以彰善旌德為大呂公文能無害武能禁暴正則幹事忠則利人盛烈宏規不可備舉傳叙八元之德曰忠肅恭懿若以此諡擬于形容請諡呂公忠肅博士獨孤及議曰奉符必加諡二字且以忠配肅謹按舊議凡歿者之故吏以行狀請諡于尚書省而考行定諡則有司在朝廷辨可否宜在衆議命駁擢諡異同之說並故吏專之伏恐亂庀人尸祝之分違公器不私之機宜非唐虞師錫僉曰之道諡法在懲惡勸善不在字多必稱其大而畧其細故言文不言武言武不言文三代以下質散禮壞乃有二字之諡非古也其源起衰周漢蕭何張良去病霍光俱以文武大畧佐漢致太平其業非

一文遂足以紀其善于是有文終文成景桓宣成之諡
雖黷禮甚矣然褒不失人唐興參用周秦之制以魏徵
為文貞蕭瑀為貞褊其杜如晦封德彝陳叔達溫彥博
岑文本唐休璟魏知古崔日用並當時赫赫以功名居
宰相者諡之不過一字不聞子孫佐吏有字少稱屈此
言二字不必為褒一字不必為貶果在字數則堯舜禹
湯文武成康不如周威烈慎靚也齊桓晉文不如趙武
靈魏安釐也杜如晦王珪以下或成或明或懿或憲不
如蕭瑀之貞褊也然肅者威德克就之名足以表之矣
如諱之從政威能閑邪德可濟衆故以肅易名而忠在
其中矣亦猶隨會竇兪之不稱文豈必因重之然後為
美魏晉以賈誼之籌策賈逵之忠壯張既之政能程普
之智勇顧雍之密重王渾之器量劉恢之鑒裁庾翼之
志畧彼八君子者方之東平宜無慚德死之日並諡曰
肅當代不以為貶何嘗微一字二字之升降乎上稽前
典下據甲令參之禮經而究其往事請依前諡曰肅

贈戶部尚書栢正節台州刺史崔昭贈右僕射李巽贈
太子太保李鄴贈太子少傅杜亞贈太子少保崔俊贈
司徒韓克

莊

威德剛武曰莊勝德尅亂曰莊死于原野曰莊好力
致勇曰莊屢行征伐曰莊武而不遂曰莊敵國克服

曰

贈廣州都督建寧縣公龐孝恭贈幽州都督瑯琊郡

公牛進達贈邠寧總管鄜城郡公梁禮贈荊州都督東
萊郡公公孫武達贈梁州都督順義郡公雲師端贈右
武衛大將軍新城縣侯楊胄贈原州都督博陵郡公賀

蘭整贈潤州刺史衛元貞贈右衛將軍王文慶贈涼州

都督元禮臣

恭

尊賢貴讓曰恭愛人長悌曰恭既過能改曰恭執禮御賓曰恭率事以信曰恭

贈司空襄邑

郡王神符贈荊州都督隴西郡王博父贈太尉濮王泰

左衛大將軍北平王阿史那鉢茲贈特進虞國公溫彥

博禮部尚書魏郡公晉文衍贈揚州大都督高陽郡公

許敬宗

太常定謚博士袁思古議曰敬宗位以才昇歷居清級棄長子於荒微嫁少女於夷落聞詩學

禮事絕于趨庭納采問名惟聞于黷貨白圭斯玷有累清塵易名之典須憑實行按謚法名與實爽曰繆請謚

為繆敬宗孫太子舍人彦伯訟稱思古與許氏先有嫌
怨請改謚博士王福時議曰謚者節終之稱也得失一
朝榮辱千載若使嫌隙是實即合據法推繩如其不然
未虧直道義不可奪官不可侵二三其德何以言禮請
依思古議為是戶部尚書戴至德謂福時曰高陽公任
過如此何以定謚為繆答曰昔晉司空何曾既忠直且
孝徒以日食萬錢所以貶為繆况敬宗忠孝不及于
曾飲食男女之累有逾于曾而定謚為繆無負于許氏
矣詔令尚書省集五品以上重議禮部尚書楊
思敬議稱按謚法曰既過能改曰恭請謚為恭

蘇氏駁曰字文士及初謚為繆以在家侈縱劉洎駁
之竟謚為繆許敬宗初謚為繆以于國邪佞楊思敬
改之反謚為恭是非在於當時名
實豈憑至行嗚呼思敬青於藍矣

贈汴州刺史楊弘武贈幽州都督鉅鹿郡公竇德玄荆

州大都督府長史薛大鼎并州大都督道國公戴至德
贈潭州都督外黃縣男薛景仙贈并州都督鄭國公揚
再思贈幽州都督龐承宗贈司空李揆太子賓客盧綸
贈揚州都督張伯儀贈太子少保嗣吳王璵贈吏部尚書
韋武贈尚書左僕射程异贈陝州大都督高固贈右僕
射劉沔贈戶部尚書韓公武

唐會要卷七十九

欽定四庫全書

唐會要卷八十

宋 王溥 撰

諡法下

敬

令善與法曰敬衆方克就曰敬夙夜警戒曰敬夙夜就事曰敬夙興夜寐曰敬齋莊中正曰敬廣直勤正

曰敬難不忘君曰敬陳善贈并州都督渤海王奉慈贈
閑邪曰敬受命不遷曰敬

裴州都督武安縣公楊虔盛贈特進長平縣男竇琮贈
同州刺史安邑縣男裴矩贈特進譙國公竇奉節贈荆

州大都督范陽郡公張延師贈幽州都督長平縣男楊
纂贈工部尚書武陵郡公栢季纂贈禮部尚書壽陵縣
男柳亨懷州刺史孝昌縣男許智仁贈工部尚書譙國
公周範涼州都督南康郡公韓孝威贈齊州都督武都
郡公權萬紀贈太常卿濟南縣男唐皎贈荊州大都督
樂安縣男任雅相國子祭酒北平縣男楊嶠贈工部尚
書宋慶禮

開元七年卒太常博士張星曰慶禮太剛則折至察無徒從事東北所亡萬計所為害于

國家按諡法好功自是曰嵩請諡為嵩禮部員外郎張九齡駁之曰營州鎮北戎夷扼喉斷臂逆則致其死命

用為其主人士稱樂抑其求尚矣尋罷海運用廣歲儲
邊亭宴然河朔無擾試與興師之費轉輸之勞較其優
劣孰為利害而云所亡萬計一何謬哉安有踐其跡以
制實貶其諡以詢虛乘慮始以謗聲忘經遠之權利義
非得所孰謂可行請以所議更下太常庶表行之跡可
尋而易名之典不墜也星復執前議慶禮兄子辭王稱
冤乃諡太子少保徐國公劉幽求光祿卿清河縣公張
曰敬

宥贈戶部尚書鄧景山贈禮部尚書程鎮之贈尚書左
僕射蕭國公班宏贈太子太傅劉從一贈刑部尚書周
皓贈吏部尚書劉贊贈僕射劉公濟故兵部尚書東都
留守顧少連贈太子少傅衛次公贈工部尚書劉伯芻

故太子賓客李翼贈尚書右僕射杜羔贈左僕射王虔
休故華州刺史崔植故兵部侍郎裴潯贈右僕射王紹
贈司空高承簡故宣州觀察使穆贊

僖

質美受諫曰僖小心畏忌曰僖小心恭慎曰僖

左衛將軍考城縣伯獨孤開

遠贈工部尚書彭城郡公劉審禮

隱

隱拂于成曰隱不明誤國曰隱懷情不盡曰隱

太子建成

貞觀二年三月有司奏諡息王為戾

上令改議諡杜淹奏改靈又不許乃諡曰隱

贈刑部尚書韋渠牟贈太尉韓弘

悼

遭難守禮曰悼恐懼從禮曰悼未中年而夭曰悼

贈司空鄧王元亨贈益州

大都督蜀王愔贈益州大都督原王孝夏王一

襄

辟土有得曰襄
因事有功曰襄

贈并州大都督莒國公唐儉贈開府

儀同三司邳國公長孫順德贈荊州都督譙國公柴紹

贈輔國大將軍夔國公劉弘基贈荊州都督平陽縣公

王長諧贈并州都督渝國公劉政會贈禮部尚書彭城

郡公劉德威贈左金吾大將郕國公姜行本贈荊州都

督鄆國公張公謹贈荊州總管譚國公丘和贈吏部尚

書安吉郡公杜淹贈工部尚書上原縣公賀蘭暉贈越

州都督譙郡公周道務荊州都督文水郡公邱行恭贈
代州都督同安郡公鄭仁泰贈荊州都督懷寧縣公杜
君綽贈工部尚書中山郡公崔日知贈太子少傅王承
業太子詹事吳仲孺贈右僕射張鎰贈靈州大都督韓
遊瓌太子太傅薊國公李叔明贈刑部尚書任迪簡贈

司徒張建封

初博士林寶諡曰忠
博士崔詔改諡曰襄

胡

保人者父曰胡
稱年壽考曰胡

左監門大將軍應國公李粲

愍

佐國遭憂曰愍禍亂方作曰愍
佐國逢難曰愍使人悲傷曰愍

恒山郡王承乾贈幽

州都督道國公周法明贈工部尚書高彥昭

按彥昭初事李正己

及子納叛國彥昭以濮州降于河南都統劉玄佐納怒殺其妻子女九歲見其母兄將就害拜天而祝仍問其故曰以天之神明將有所也女曰天如神明豈使我効順而就戮也不拜而死上聞之乃下太常議諡曰愍

哀

恭仁短折曰哀孤短折曰哀

楚王智雲懷王敏汴王璵

殤

童蒙短折曰殤短折不成曰殤

江王囂襄王重

思

追悔前過曰思柔能自勉曰思通明爽願曰思深慮道遠曰思

彭王元則安定公主

荒

凶年無穀曰荒昏亂紀度曰荒縱樂無厭曰荒內外淫亂曰荒好樂怠政曰荒從禽無厭曰荒從樂不反

曰

右衛大將軍贈歸義郡王阿史那咄苾

刺

暴慢九卿曰刺狠慢遂過曰刺不思安樂曰刺

巢王元吉

醜

怙威肆行曰醜

尚父贈太傅博陵郡王李輔國

繆

名與實爽曰繆贈司空留國公封德彝

太宗初諡曰明後治書侍御史唐臨追駁

曰包藏之狀死而後發狠加贈諡未正嚴科太宗令百官詳議禮部尚書唐儉等議曰罪累身後恩結生前所

歷之官不可追奪請降贈改諡詔從之乃諡曰繆

贈勝州都督執失思力贈太

子太保裴延齡太子太保李程

勇

率義恭用曰勇率義死國曰勇致命為仁曰勇奮身為義曰勇持義不撓曰勇知死不避曰勇贈渾

州都督巢國公錢九隴贈左武衛將軍彭城郡公吳志

意贈代州都督許洛仁贈左監門將軍成三郎贈靈州都督拓跋守寂贈司空李懷讓

莊威而不猛曰莊贈司徒虢王元鳳贈幽州都督邢國公蘇定

方贈侍中明崇儼太子詹事廣平郡公陸餘慶贈司空

崔元戎幽州節度使贈太師張仲武

溫德性寬柔曰溫絳州刺史昌武縣子孔禎贈禮部尚書扶陽

縣公韋承慶

良小心敬事曰良理順習善曰良贈禮部尚書滑國公皇甫無逸太常考行

諡曰孝禮部尚書王珪馭其官蜀之初自當扶持老母與之同去申其色養而乃留在京師子道未足何能為孝乃諡中散大夫守少府監胡珣故太子少傅閻濟美為良

贈金紫光祿大夫長孫敬

密

追補前

祕書監武陽縣侯蕭德言贈司空鄭國公竇

抗

縱

諡法無縱字

贈左衛大將軍宇文士及

初諡為恭黃門侍郎劉洎馭之曰士

及居家侈縱不宜為恭竟諡為縱

贈工部尚書馬暢

太常博士林竇諡議曰敬工部郎中

崔備馭議曰謹按諡法敬字之義與馬暢始終名跡不同考行之義尚乖易名之典未正事須更牒禮院請重

議者且馬暢墳土猶濕物議尚存皆可徵言盡堪覆視
在春秋隱惡之義可也如史冊虛美之命難乎況尚書
都堂集議攸重奉常禮院考行須詳責實當究其是非
易名宜存乎褒貶夫國之禮法懸在不刊而士人多病
于愧詞史臣或許其佳傳舊章既失後代何觀雖以德
之愛久無而亂名之責豈絕幸稽前事用勵後人其馬
暢所諡為敬請更叅議尚書兵部員外郎韋奕駁曰太
常考馬暢之行舉夙夜就事廉方經正之敬以易其名
與于無所苟于言也比建中興元間暢以父有征討之
勲推恩而受爵位父薨家富于財以酒色自娛貞元中
嘗傾產交中官進獻田宅以求幸德宗薄其人而終不
信用生前與孤姪寡婦分居折財醜聲聞于時歿後使
孽子孀妾被奸挾訟公言盈于庭此皆章著于視聽者
何以諡為敬乎議者云先司徒之籌畫而暢揚厲者策
無遺焉暢叅計于闡庭之內苟所言屢中而不可隱當
指明其效實而書之俾行道者無所憾不然則莊武公

之才畧光于典冊矣而乃飾虛辭以揅其善得非謬妄之甚耶又稱名儒端士皆從之遊未知孰謂其田蘇耶孟軻云尹公他端人也其取友必端矣夫為端士而遊乎暢之門者以其績用可紀非謂其曠日引月以至乎終身也況諡法夙夜就事廉方經正則暢處已行事未嘗造次而踐其途焉何以諡為敬乎大凡言功伐議德行尊其跡有以勸善貶其名有以懲惡固無庸爭辨也如暢之輩烏足以黷典法哉若有司以有為而為之則宜乎貶之類也請下太常重定其議博士翟韶改諡曰縱議曰馬暢承藉故業歷居通顯家富于財以奢縱自處不能撫安娣姪使之離析其干進也趨利如轉圜其居家也揉下如束溼故時論鄙之謹按國史宇文士及居家侈縱禮諡為縱暢之行已同于士及請以縱為諡可也

慤
諡法無慤字

工部尚書楊昉

果

諡法無畏字

定州刺史定襄郡公于匡濟

勤

諡法無勤字

廣州都督謝方叔

靈贈尚書右僕射朱忠亮

厲贈太子賓客于頔

太常博士王彥威議曰于頔剛毅特立博達文藝蘊開物成務之畧

從橫倜儻之才刺湖州復南朝舊陂以溉人田由是瀉鹵生時大利得丁壯之物籍者取什一代貧人租入故輕以濟江南卑濕送終者無懸窆封樹之高不可及深則及泉矣或至露蒿頔悉命以官地收塋當時稱之為蘇州則繕完隄防鑿畎澮川樹以表道決水以溉田其為襄陽當吳少誠弄兵王師有征軍不乏見糧師未嘗退舍嘗克其偏師生得賊將遽以兵柄授之推誠于人有古將畧然惜其不得善終如始奉初以還跋扈立

名滿盈不戒則有司擬議之降安可不善善而惡惡我
元洪刺郡以官事被謫中貴人銜命部領便道送貶所
路出于漢頓遽命武士持刃捕之洪既就執王人徒歸
又不奉詔出師而西抵于鄧軍聲甚雄人聽日駭夫師
出以律其出不命時人不能識其指歸王者功成而作
樂諸侯則否頓之反旅於蔡也作文武頌聖樂貞元御
宇遂求寵綏有司請編優詔莫逆事出一時之澤樂非
諸侯之應良可惜哉然則如頓者是知樂之可作而不
知禮之不可作者也迹其馭衆為政之術蓋在興利除
害以為己任令行禁止其源出于法家者流文深意奇
有犯無赦至有屋誅同命之慘然未嘗別白其罪以示
顯戮人到于今而冤之洎乎天恩下浹元侯入覲朝廷
申婚姻之好復以宰相待之則又無罪貶官而連起國
獄縉紳之論寢益非之謹按諡法殺戮不辜曰厲請諡
為厲或曰太保由文學政事而敷歷中外卒當登壇補
袞之寄推于事任可謂難能則易其名者宜兼舉美惡

二字以正褒貶今特諡為厲或有未安愚以為不然夫
類能而授聖王之勸勉議諡貴當有司之職分禮經言
諡蓋節以壹惠至于論譏之際要當美惡咸在細大無
遺以易名則無略迹春秋之義也况援其功不足以補
過絜其美不足以掩瑕其馭下也任威少恩其事上也
失忠與敬諡之為厲不亦宜乎勅賜諡曰思尚書丞張
正甫封勅書奏不答留中不下然賜諡勅封在都省亦
不下至明年張正甫改為同州刺史取中書門下處分
宰相令都省收管竟不施行太常博士王彥威又上表
云臣聞古之聖王立諡法之意所以彰善惡垂勸戒使
一字之褒寵逾綬冕之錫片言之貶辱過市朝之刑此
邦家之禮典而陛下勸懲之大柄也伏以故太子賓客
致仕于頔頃擁節麾恣行暴虐人臣所怒法令不容擅
舉全師僭作王樂侵辱中使擒拘囚殺戮不辜誅求
無度故臣定諡為厲今陛下不忍改賜思誠為聖慈實
害聖政伏以陛下自臨宸極懋建大中聞善若驚從諫

不倦况當統天立極之始所謂執法慎名之時一垂恩
光盡望徽倖且如頤之不法不道而陛下不忍焉臣恐
將來不逞之徒不法不道必有如頤者衆矣比其謚也
則又引頤為例則陛下何以處是恩發于前而弊生于
後矣又臣比見長藩鎮服大僚者率多驕淫不道誅求
自封貨足以藩身威足以鉗口而法吏顧望自處或不
能度紀天刑生前網已漏鯨歿後戮而就木若以李吉甫
近嘗賜謚引之則吉甫之相也豈犯上殺人乎以頤
况之恐非倫比如或以頤嘗入錢助國改過來覲兩使
藩國可以贖論夫傷財而害人剥下以奉上進家財以
求幸尤不可長烏有兩河宿兵垂七十年王師徂征瘡
痍不絕其後張子昭以易定來程權以滄景來故國家
高爵以勸我臣申思以徠來者而襄陽名鎮也于頤大
吏也居肘腋之下有屈強之名賜之姻親始修覲禮豈
可持此况彼而以朝覲為功乎若然者則頤雖有游夏
文學龔黃政令班超之絕漠非躬卜式之持錢助國亦

終恐不足以彌縫惡跡降減罪名伏惟陛下以至聖至明之姿用無偏無黨之道忍由義斷政以禮成使褒貶彰微倖路絕則天下幸甚又補闕高鉞上疏曰夫諡者所以懲惡勸善激濁揚清使忠臣義士知勸亂臣賊子畏罪忠臣義士雖受屈生前死獲美名亂臣賊子雖竊位于當時沒加惡諡者所以懲暴戾垂沮勸孔子修春秋亂臣賊子知懼蓋為此也垂範如此尚不能救况又墮其典法乎又臣風聞此事是徐泗節度使奏請李愬勲臣節將陛下寵其勲勞賜其爵祿車服第宅則可若亂朝廷典法將何以沮勸仲尼曰唯名與器不以假人名器君之所司也若以假人是與之政也政亡則國家從之矣于頔頃鎮襄漢殺戮不辜恣行凶暴移軍襄鄧迫脅朝廷擅留逐臣邀遮天使當先帝嗣位之始貴安反側以清四方幸免鉞鉞之誅得全腰領而斃誠宜諡為繆戮以沮克邪豈可特加美以獎奸惡如此則是于頔生為奸臣死獲美諡竊恐天下有識之士以為聖

朝無人有此倒置伏請速追前謚却依
太常謚為厲使典法無虧國章不紊

信贈工部尚書渾鍊

毅贈尚書右僕射楊朝晟

懷贈太尉王鐸

裕贈太子少保張煦

夷贈太子賓客羅珣

頌贈左散騎常侍房式

太常博士陸亘請謚曰頌吏部郎中韋乾度駁曰詳觀貞元之

末西蜀之事逆豎劉闢搆難之初凶邪叶謀噉嘯相聚年深事遠百不計一然而瑰磊不平創鉅痛深者藏在

骨髓請舉其梗概一二焉式自忠州刺史故太師奏授
劍南西川度支副使後兼御史中丞又剖符蜀州是時
貞元十八年也式因晝日昏睡如醉經宿乃寤訊其左
右僮僕不知其所從來後逾年却復職會故使太師薨
歿則劉闢潛扇逆謀禍亂始胎式遂倖之又意為夢寐
之語謂闢曰乃者蜀州昏病之中見公為上相盧文若
為侍郎儀衛甚盛富貴極矣他日無相忘賊聞大喜布
滿軍縣自以為神授非人力也賊每接賓客肆談論撫
羣邪伸號令未嘗不以為先遂自以為祥兆也豈不
因式作異言鼓妖孽惑亂平人堅壯克險不然何區區
之蜀璫璫之冠王師討伐經費萬計崎嶇險阻留年乃
拔何哉蓋以式深為浹洽之辭激切堅固不然何盤根
固蒂之甚也故太師永貞元年八月薨其時乾度被逐
攝蘭州刺史名雖守郡其實困之明年四月追回勒攝
成都縣令其時授闢西川節度詔命初下東川之圍未
解乃召募亡命兼收管內鎮兵張皇虛聲熒惑州郡發

兵七千馬畜三萬號為十五萬人轉牒盤屋以來縣道郵次酒肉畢具芻蕘無匿署牒首曰闕副曰式叅謀曰符載令下之日妖氛全興下愚沸騰貪墨奸黨奔走叛命肩摩轂擊爭死恐後當此之時叩蜀震驚田野廢業竄伏山谷邑居人吏分散道路如此之事非得之于人皆親所聞覩時賊圍逼梓州幸王師諸軍稍稍繼至猖狂凶寇不復張矣然常察其人柔而善倭不顧不義不然何劉闕文若喬觀符載皆咨諏執禮拳拳以事之以斯而言可以知其所止矣伏以聖上法維天之度崇納污之弘雖玄澤滂流鼓盪昭洗然易名之典在正根源苟非其人不可加美如式西蜀之事大節已虧缺矣何面目以求諡焉傾之為諡頗乖前狀請下太常博士李虞仲重議曰式之在西蜀也入人耳目其事熟矣固非愛之者所能粉飾而文其論惡之者所能披扶而裝其說蜀之此時雖女子小人亦知凶闕斷頭之有日然為其用者乃救死于夢語其無勇烈之心可罪矣豈可盡

被其附麗之名乎如式之于劉闢既不能去又不能死可謂求生害仁者也而駁者曰大節已愧無乃過言歟何從聞之闢之走西川也召所疑畏者十數輩于庭將盡殺之而後去而式在其間賴倉皇之際闢黨有護持者僅免于難推嚮之論則不當如是明矣然居此時有將見危授命之義殺身成仁之道示之者稱式無愧色吾不信也不如是則式之去希烈也理河南也庶宣城也何以無忠敬之日歟愚論之曰不疾任永之目不閑吉挹之口乃罪也無王皓棄家之心無譙玄受毒之志其罪也闢之反天子棄墳墓乃曰賴式說一夢以結其心署一牒以張其勢豈其然乎豈其然乎夫人臣不幸罹于是惟死而已矣然孟子曰生吾所欲也矧自軻以下哉使死之易則王諒李業虞悝馮信不足貴也意者將不可必死望于人乎以不死罪之懷生貶之是篤論也夫諡者易其名者也夫子曰名以出信又曰名之必可言也名不正則言不順以至于刑罰不中正謂此耳

夫豈容易哉語曰于其所不知蓋闕如也恍惚之夢傳說于外人者懼非所以昭示後世虞書曰五刑五用哉言用刑必當其罪也刑其肢體于一時猶須當其罪矧刑其行義揭之于千萬年歟康誥曰敬用乃罰請依前諡為

復字諡

贈太子郡王重潤

懿德

贈太子重俊

節愍景雲元年十月太府少卿韋湊上疏駁議曰臣聞王者發號施令必法乎天道

使三綱攸叙五等咸若者善善明惡惡著也善善者懸爵賞以勸之也惡惡者刑罰以懲之也其賞罰所不加者則考行立諡以褒貶之所以勸戒將來也並至公之大猷非私情之可徇故箕微獲榮管蔡為戮諡有臣諡

其君子諡其父而曰靈曰厲者不敢以私亂大猷也則其餘安可失哀哉臣竊見故太子重俊擁北軍犯宸居破扉斬闕突禁而入騎騰紫禁兵集黃屋孝和移御玄武門避其銳凶威既逼躬出樓門親降德音以諭順逆而太子據鞍自若督衆不停俄而其黨悔非轉逆為順或迴兵討賊或投仗自拘多祚等伏誅太子逃竄向使同惡相濟以成不道其為禍也胡可勝言于時臣任將作少匠兼通事舍人明日孝和引見羣臣兩淚交集幾不共卿相見其為危懼不亦甚乎今聖朝雪罪禮葬諡為節愍臣竊惑焉當時韋氏逆節未彰韋則母也太子豈有廢母之理乎又非中宗之命而廢是劫父廢母也借使聲言父有桀紂之行人子無廢殺之理漢武末年江充為巫蠱陷太子遂矯節斬充因敗逃匿非稱兵詣闕無逆謀于父然身死于湖不葬無諡至太子遜立為天子是曰孝宣太子方獲葬諡曰戾今節愍太子之行比之豈可同年而語其于陛下猶子也而可諡為節愍

乎伏望改謚
務合禮經

申王撫

惠莊

岐王範

惠文

薛王業

惠宣

榮王琬

靖恭

興王佖

恭懿

睿

宗皇后竇氏

昭成開元六年正月太常謚議上禮部員外郎崔宗之駁曰昭成皇后謚不以聖真

冠后謚之上而誤加太字若取單謚追尊合去太稱昭成皇后且太穆皇后武德元年五月追謚為穆皇后貞

觀元年五月六日又追尊為太穆皇太后上元中又追尊太穆神后文德皇后貞觀年中謚曰文德上元中追尊

文德聖皇后即後漢皇后紀之所論明矣太常議曰范史著書每引帝號標于后謚之上自是一紀標目何關

連謚舊名考德撰行須存本跡豈有婦人立操必與夫同夫尊婦卑沒便連謚為名不可之甚也漢諸后單謚

者多陰后曰烈馬后曰德鄧后曰熹閭后曰思韋忠所引薄后謚曰高皇后豈非大謬乎且閔帝懿獻皇太后帝

謚元非后謚曰欲將桓帝兩字為懿之謚其可得乎入廟稱后后繫于夫后朝稱太義緣于子文母既生前之名文王乃既沒之謚周公達禮豈昭容上官氏惠文景令夫從于婦乎當令太常定之

七月追謚初昭容嘗引其弟昱為拾遺昱不受謂其母鄭氏曰主上在房州則武氏得志矣今有天命以能興天之所命不可貳也而后三思有異志天下知之必不能成昭容為上所信而附會三思誠破家之徵願姨思之鄭以為然言于上官上官笑曰昱謬言勿信之及三思被誅李多祚索韋氏及上官始懼以昱言有徵遂乃歸心王室及草中宗遺制引相王輔政及難作以草本呈劉幽求幽求言于玄宗玄宗不許命殺之以其有功故此追贈開元初玄宗收其舊文勒成集令中書令張說親為其序

孔夫子

追謚

殷比干

追謚

太公

追謚

魯國夫人楊氏

正烈

金史四庫全書
卷八十
也母

朝臣復謚

文獻贈司徒申國公高士廉并州大都督樂城縣公劉
仁軌贈太子太保梁國公姚崇贈太尉博陵王崔玄暉
禮部尚書徐國公劉幽求贈司空趙城縣公裴耀卿
贈荊州大都督始興縣公張九齡贈司徒贊皇縣公

李栖筠贈尚書右僕射鄭珣瑜

太常博士徐復議請謚
珣瑜文獻兵部侍郎李

昇駁曰夫謚所以昭德也德既昭矣則文無以加焉故
相國鄭公端操特立寡言慎行及居台司有蠲逋恤人

之美有知難不污之節雖無文若之進拔孟子之是非
無賑施之仁無寥諤之義然足以稱賢相也夫文者大
則經緯天地次則潤色王猷周文以至德為西伯季孫
以道事其主或諡曰文為美無以加也亦焉用兩字然
後為備哉竊以兩字義或有兼得一字不足以盡盛德
之形容故有兩字生焉然而興于近古非三代兩漢之
事也夫舉典之道信其正不信其邪春秋之大旨也則
兩字之諡非春秋之正也故相國鄭公之諡為文足矣
焉用獻哉為獻可矣焉用文哉兩字兼諡竊所未喻諸
下太常重議博士徐復議曰鄭珣瑜令德清規坐鎮風
俗理人而善政浹洽作相而謀猷密勿其終始事跡當
時罕儔所以表賢易名實曰文獻夫文者煥乎大行獻
者軒然高名合而褒之厥有經義亦猶貞惠文子累數
其功至於再三以勸事君者今奉駁議議其無進拔無
是非無賑恤無蹇諤且曰二字之諡非三代兩漢之事
以愚為異之駁所謂進拔者豈不以推擇羣萃致之於

庭乎珣瑜往司銓衡既當鈞軸流品式叙英髦在朝若
無獎拔之明則何以至此但如來議寡言慎行故其端
兆不可得而窺也當先朝之初上體不平奸臣王叔文
擅權作朋將害于國其視丞相如無也徑詣相府不修
舊章珣瑜意雖能誅力固不足移疾高謝萬情所歸則
是非之明孰大于此所謂賑施者在禮家施不及國賢
人君子廣愛為心莫不開裕物之源生厚之政曩者恤
災患免逋租亦既當之矣其于篤親庇族善無常主踐
名教者誰則不行若以分孤寡之資同于賑施珣瑜之
所羞言也奚謂無哉至如蹇蹇匪躬前議已書其微婉
矣既承高論敢不指名德宗季年李實為京兆尹殊恩
畫接貴倖無比而實以羨餘稱職莫之敢非珣瑜衆情
所由上陳利害且曰取于人而未酌其直焉得有餘是
其言不可謂之無蹇諤矣伏以國朝宰輔諡文而魚字
者代有人焉故房玄齡諡曰文昭狄仁傑諡曰文惠魏
徵陸象先蘇瓌宋璟張說崔祐甫並諡曰文貞劉仁軌

劉幽求姚元崇裴耀卿張九齡並曰文獻李元絃韓休
並曰文忠薛元超曰文懿盧懷慎曰文成蘇頲曰文憲
楊綰曰文簡其餘不可悉數若以文包美不宜以他字
配之則房玄齡狄仁傑以降昭惠貞獻忠懿成簡皆不
得正矣我唐聲名文物垂二百年更歷羣才發揮王度
豈議名之典獨未得中耶不然何輕沮之為駁正所設
但論諡之當否不宜詰字之多少苟有不當雖一字可
乎若皆允宜二字何害如韋巨源附會凶黨李北海奪
其佳名所言至公人皆悅服今既曰賢相而又非之君
子于其言豈可得而苟乎若云二字非三代兩漢之規
則又异乎愚所學者矣夫威烈慎靚周王之諡也文忠
文成漢祖之佐命也霍光為宣成孔光為簡烈中代之
勲德也劉寬為昭烈楊賜為文烈東都之易臣也得謂
其無二字哉况文之為名其義多矣有經緯天地焉有
忠信接禮錫民爵位堅強不暴焉有敏而好學不恥
下問焉夫非一端各有所當若皆如西伯季孫之德然

後稱文則魯文公與伯歌之類皆不為文矣故謚之制
因時旌別若前狀議珣瑜之行曰為一代之名臣斯其
旨歟謹上文獻兵部侍郎李巽再議曰夫謚者春秋褒貶
前謚曰文獻兵部侍郎李巽再議曰夫謚者春秋褒貶
之旨也仲尼書法隨類推廣雖一字褒貶其文猶傳蓋
欲指明事業昭示後代俾後之人懲其惡而揚其善故
不可苟夫謚一字正也堯舜禹湯周公召公是也兩字
非正也故謚法不載或人臣不守彝章奇逞異端考烈
慎龍是也或時王之權以功德加厚于臣者蕭何霍光
房玄齡魏徵是也不當加而加僭也孔光劉寬薛元超
李元紘是也三字過也貞惠文子是也亦謚法所不載
也古今無有也公叔文子是衛君之過也衛之亂制也
不然孰是說也一美加一字即堯舜禹湯當累數十字
以謚矣禮記非盡聖賢之意非盡宣尼之所述也當時
雜記也昔后倉為曲臺記其弟子戴聖增損判定為小
戴禮今禮記是也若盡宣尼之所述即戴聖豈得而增

也昔宣尼修春秋游夏不能措一詞以知禮記非盡宣尼所述也故戴聖後可增損也則貞惠文子之謚衛君亂制也古今無有也非宣尼所述又何足法哉如珣瑜之制行始終無缺可謂美矣至于議行考功而度越等輩比于鄴文成梁文昭魏文貞則不侔而謚號無差輕用國典失春秋之旨矣向者鄴梁數公皆經綸草昧輔翼聖主以道輔君致于化洽彰灼千古言之者凜然生敬而以珣瑜齒之豈無愧于心哉夫數公者皆時王感風雲之會懷謨明之美故加于常典以明其德亦所以篤君臣之義也然非正也權制也若後之人非數賢之比則當循常以避賢地也其劉仁軌薛元超等加字之謚皆贖國典而昧彛倫言之可謂寒心豈當舉之為訓也其餘姚元崇宋璟劉幽求輔相一代致理平之化或忘身殉難成中興之業又豈珣瑜以典選為進善以辭疾為嫉惡邪皆尚口偽辨非守典確論也夫以典選者皆為進善耶若然者則國家有天下二百年何裴行儉

馬戴盧從愿等數賢獨見稱于時也猶資署置謂為進
善異乎余所聞也又珣瑜之病數月而終豈偽疾也借
使偽疾尤可罪也昔子路之冗食家臣猶殺身殉難而
珣瑜履台輔之重當危難之際居平則食其高爵厚祿
見危則奉身自保以此為是非之明耶即董狐之書趙
盾為妄作也珣瑜之辭疾可責于太常舉以為德信君
臣之義非常人所知也珣瑜之下詔李實誠中其病可
謂美矣然則珣瑜自始筮以至于啟手足垂四十年歷
諫職持風憲其忠規激發恐有過于此者今第舉其不
詬李實未為多也謂為蹇諤者衆矣豈能使汲黯魏徵
有慚色哉前翼議云三代兩漢無兩字之謚此未學之
過也苟令君之進善無孟軻之是非無文子之賑施無
周舍之蹇諤以珣瑜之行清而無缺可謂掩之不足辨
也今所議兩字之謚亦又不當其議故不足斥也前翼
之言過也但兩字之謚加等之美以蕭何房玄齡言不
在珣瑜也翼雖不敏至于言謚美以貳人聽此常所激

而不平也終不欲有僭齒於蕭何房玄齡之宗又不欲有造次擬于魏文正姚元崇宋璟劉幽求之讜言偉論茂績殊勲也夫前車之覆後車所以易轍也前有司之失後有司當以矯之也不矯之則逶迤遂遠以至于亂制也此有國之誠也威烈愼覲以至於劉寬薛元超之同于禹湯文武蕭何霍光房玄齡魏徵前有司之過也後之專筆削者宜有以矯之也不矯之禮典寢亂矣有司不可以尤而效之也不以有所見而遂僭典鄭珣瑜兩字諡請下太常重議若一字不足盡珣瑜之盛德必湏兩字則敢俟再告竟從復議諡文獻

文貞贈太尉鄭國公魏徵贈司空許國公蘇瓌贈尚書

右丞相充國公陸象先贈太尉廣平郡公宋璟贈太師

燕國公張說

太常卿初諡為文貞左司郎中楊伯威駁曰諡者德之表行之迹將以激勵風俗檢

東名教固無虛譽是存實錄準張說罷相制云不肅細
微之人頗乖周慎之旨又致仕制云行愧半石防閑周
身求免瓜季之嫌而諠衆多之口且王之有瑕尚可磨
也人之斯玷焉可逭也諡曰文貞何成勸沮請下太常
更據行事定諡工部侍郎張九齡又議請依太常為贈
定衆論未決上為制碑文賜諡曰文貞由是始定 贈

太傅崔祐甫贈太子太師牛僧孺

大中十三年十一月
中書侍郎平章

事白敏中上疏請行贈諡
上從之請下太常諡之

文懿贈禮部尚書永興縣公虞世南

貞觀十二年十一月
勅虞世南學綜

古今行篤終始志好忠正士多弘益易名之典
抑有舊章前雖諡懿未盡其美可諡曰文懿 贈太師

韓國公苗晉卿

初太常諡為懿獻
及勅出改為文懿

贈司徒李回贈太尉

王超

文昭贈太尉梁國公房玄齡贈司徒鄭畋

文忠贈尚書右僕射河南縣公褚遂良贈太子少傅清
水縣公李元紘贈太子少師宜陽縣公韓休贈司徒魯
郡公顏真卿

文康贈太常卿陽翟縣公褚亮

文惠贈司空梁國公狄仁傑

文憲贈尚書右僕射許國公蘇頲贈太尉衛國公杜鴻

漸

文成贈荆南大都督漁陽縣公盧懷慎

文孝贈禮部尚書王珣

文簡贈司徒楊綰

初太常諡楊綰為文貞比部郎中蘇端駁曰古者美惡無私褒貶必當將

以嘉善而退惡為列辟之明典也可不慎與今謹詳前
諡文貞者稽法考事恐非平允時論發揚來訓矣夫道
德博聞曰文清白守節曰貞且元載與司徒友敬殊深
推為長者首舉清要入莫與京及司徒寵望漸高載畏
其逼又知載隳壞綱紀心二于君既懼其疑因而踈間
有口皆知載惡而獨綰無一言或有發載之惡證告未
明抱誣坐法者司徒時居上列奏達非難不能因此披
衷正詞全志士之命破凶狡之私而乃晏安自泰優游

過日使元載禍大深勞聖上防伺之慮豈守節不隱耶
豈懷道無毒耶非謂文貞明矣洎元載將謀不忠錮聰
蔽聖瞽思于下招怨于上使北塞人勞有過時之戎西
郊寇入無弔災之惠懷貞抱義之士將死復生梁宋傷
夷之人或寒或暖搜訪旌恤中外所急載皆絕之使王
澤不及于下為行路所嘆而楊公當聖上維新之時居
天下得賢之望誠宜不俟終日造膝進言乃寥寂起悟
噤閉謨猷食萬錢之賜虛承一心之顧使防河之人家
聞采綠之嘆近甸亦多興祈父之憂豈慈惠愛人乎既
曰不慈不惠何以謂之文有隱有毒何以謂之貞乎古
者諸侯有國卿大夫有家上以報祖宗下以處子孫之
義也楊公歷處厚俸人謂儒宗曾不立家又無私朝寧
使人老闕敬祖之禮位極無祭祿之宮凡在衣冠誰不
嘆恨又乖大義深非懷仁接禮之義矣曰文與貞曷可
以當聖人立諡有公無私所以周宣不敢私于父諡曰
厲漢宣不敢私于祖諡曰戾百王明制列聖通則公叔

文子有死衛之節修班制之勤社稷不辱方居此諡迨及太宗初魏公微有匡救公直之忠中宗末蘇瓌有保安不奪之節所以諸賢甚衆諡文貞者不過數公至于燕公張說先朝輸能名節昭著省司尚謂不可至今人故稱之由是言之焉可比德諸牒太常更詳他諡以守彛常庶乎青史之筆不乖于周漢黃泉之魂免慚于蘇魏大歷十二年二月二十

二日別勅諡為文簡也

贈司空鄭肅

懿文太子太保薛元超

景武贈司徒衛國公李靖

貞武贈太尉英國公李勣

忠武贈司徒鄂國公尉遲敬德贈太師汾陽郡王郭子

儀贈太師西平郡王李晟

莊武贈太傅北平郡王馬遂贈太師劉濟

武烈贈太尉霍國公王忠

忠獻贈太師魏國公裴光庭

開元二十三年博士孫琬以其用循資格非獎勸之

道請謚為平光庭與蕭嵩不叶時人以為希嵩意上聞特下詔賜謚光庭曰忠獻

忠簡贈太尉樂壽王武攸暨

忠烈贈中山郡公王峻贈太子少傅薛景仙贈太尉段

秀實

興元元年二月謚初朱泚盜據宮闕也泚以秀實常為涇原節度頗得士心後罷兵權以為蓄憤旦

夕必肯同惡乃召與謀秀實初詐從之陰說大將劉海賓何明禮姚令言判官岐靈岳同謀殺泚以兵迎乘與三人者皆秀實夙所獎遇遂皆許諾泚時遣其將韓旻領馬步三千疾趨奉天時倉皇之中未有武備秀實以爲宗社之危期于頃刻乃使人走諭靈岳教其竊令言印不遂乃以司農印倒印符以追兵旻至洛驛得牒莫辨其印遑遽而迎秀實謂海賓等曰旻之來吾黨危矣我當搏殺泚不得則死終不能向此賊稱臣及與海賓約事急爲繼而令言明禮應于外明日泚召秀實議事源休姚令言李子平皆在坐秀實戎服與泚並語至僭位秀實勃然而起執休腕奪其象笏奮躍而前唾泚面大罵曰狂賊吾恨不斬汝萬段我豈從汝反耶遂擊之泚舉臂自捍纔中其顙流血匍匐而走兇徒愕然不敢動而海賓等不至秀實乃曰我不同汝反何不殺我克黨羣至遂遇害

贈太師王武俊贈太尉張允伸

馬至是加褒贈

忠壯贈揚州大都督褒國公段志玄贈瀛州刺史平原
縣公劉玄感

忠孝贈尚書右僕射郇國公韋陟

忠貞贈司空邠國公韋見素

忠惠贈戶部尚書太原縣公王翊

忠勇贈武威郡王李嗣業

忠肅贈太傅韓國公韓滉贈太子太師王處存贈觀軍
容使楊復光

貞褊贈司空宋國公蕭瑀

太常初諡尚書省諡曰肅太宗以易名之典必考其行蕭瑀性

多猜貳有失其真更據實諡曰貞褊公

貞穆贈工部尚書范陽郡公張庭珪贈司空李珪

貞肅贈尚書右丞相魏縣公杜暹

初諡貞肅右司員外郎劉同昇都官員外

郎韋廉駁曰暹有忠孝之美太常所諡不盡其行博士裴總執曰杜尚書往以墨綬受職事雖奉國不得為孝請依舊為定暹子孝友詣闕陳訴上聞而更令所司詳定竟諡曰貞肅

貞簡贈太傅汧國公李勉贈司徒李藩

貞烈贈侍中潁川縣公韓瑗贈兵部尚書盧奕

太常博士獨孤

及議曰盧奕剛毅朴忠直方而清勵精吏事所居可紀
天寶十四載洛陽縣沒于時東京人士狼狽鹿駭猛虎
磨牙而爭其肉居位者皆欲保性命而全妻子或競先
策蹇爭脫昇穀或不恥苟活甘飲盜泉奕獨正身守位
義不去以死全節誓不辱勢窘力屈以朝服就執猶慷
慨數賊梟獍之罪觀者股慄奕不變色西面辭君而後
受害雖古烈士方之者鮮矣或曰洛陽之存亡操兵者
實任其咎非執法吏能抗師敗將奔去之可也委身寇
讐以死誰懟及以為不然勇者禦而忠者守社稷是衛
則死生以之危而去之是智免也忠于何有荀息殺身
于晉不食其言也仲由結纓于衛不避其難也玄冥勤
其官而水死守位而忘軀伯姬待姆而火死先禮而後
身也彼四人者死之日皆于事無補夫豈愛死而賈禍
以為死輕于義而捐生古史書之使事君者勸然則祿
山亂大于里不奕廉察之任切于玄冥之官分命所擊
不啻于保姆逆黨兵威烈于水火于斯時也與能執干

戈者同其戮力挽之不来推之不去豈不以師可虧義不可苟身可殺節不可奪故全其特操于白刃之下孰與夫懷安偷生者同其風義謹案諡法圖國忘死曰貞秉德忠業曰烈奕執憲戎馬之間志藩王室可謂圖國之危不能極而繼之以死可謂忘死歷官十一任言必信事必果而清節不撓去日若始至可謂秉德矣黃門以直道佐時奕嗣之誠可謂遵業請諡曰貞烈從之

貞憲贈太傅趙憬

肅愍贈秦州都督平陽王敬暉

昭定贈太常卿河東郡公薛訥

恭肅贈益州大都督河東郡公張嘉貞故刑部尚書贈

左僕射李遜

獻穆贈太尉冀國公裴冕

裴愍贈戶部尚書史

簡懷贈開府儀同三司王璵

成肅贈太保張延賓贈太傅薛平

莊威贈司空李元諒

獻武贈太師張茂昭

威武贈宣武節度使劉玄佐贈司徒高崇文

忠穆贈太保嚴震贈太傅王景崇

襄武贈太尉劉悟

敬勇贈司空李麟

毅勇贈禮部尚書崔無諤

忠愍贈司徒武元衡故鎮州節度使贈太師田弘正

貞惠贈禮部尚書劉通

貞孝贈太子太保權皋贈太師崔安潛贈司空楊於陵

宣憲贈司空杜黃裳

宣簡贈吏部尚書崔邠

景襄贈司徒王士貞

懿穆贈太尉烏重胤

元靖贈太傅賈耽

恭惠贈太傅董晉贈司徒竇易直

繆醜贈尚書右僕射韋綬

諡士劉端夫博通醜士權安復諡為繆醜

武烈贈司徒曲環

安簡贈太傅杜佑

太常博士柳應規請諡簡大夫博士尉遲汾又議曰佑之寬容得衆全和

褒光不病于物以顯其能得不為和好爭乎自卑仕而極重任一心于理以惠物累行廉取正人無尤怨得不為一德不懈乎請謚為安簡

靈愍贈兵部尚書盧虔

成縱贈故中書侍郎同中書門下平章事元載

太常博士崔昭

請謚曰荒左司郎中韋弘景請下太常重議博士王炎改謚成縱未幾炎卒故事不行爾後太常復伸王彥威議曰元載謚成則不得為縱縱則不得為成成縱兼謚美惡齊致竊以為不通于經夫蕭瑀謚貞詔命加福事出權制不可據依爾后崔昭以平厲謚揚炎以壯繆易伊慎此皆惑於貞福混淆兩可之文詳在駁議今明其說恐誤後來

平厲故左僕射楊炎

初謚肅愍左丞孔戣駁請下太常重議而太常博士崔昭請謚曰平

厲刑部侍郎劉伯芻又駁請下太常更加議定太常未報

壯繆贈太子太保伊慎

崔昭請謚曰壯繆吏部尚書韓皋駁未報

宣武贈太師范希朝

太常博士馮定請謚忠武禮部員外郎王源中駁請下太常重定太

常請如前謚忠武王源中重駁博士王壘改謚宣武未經會議聞奏故不載其文

恭懿贈禮部尚書齊映贈司徒李吉甫

太常博士尉遲汾請謚吉甫曰

敬憲度支郎中張仲方駁議曰古者易名請謚禮之典也處大位者舉其巨節茂論細行昭範當代彰示後人然後書之垂于不朽善善惡惡不可以誣故稱一字則至明焉定褒貶之宜泯同異紛綸之論李吉甫稟氣生

材乘時佐治博涉多知含章炳文變贊陰陽經緯邦國
惜乎通敏資性而便媚取容致載踐樞衡疊補名袞大
權在已沉議罕成好惡徇情輕諾寡信諂媚在臉遇便
則流巧言如簧應機必發夫大臣之翊戴元后者端恪
致治孜孜夙夜緝熙庶績平章百揆兵者凶器不可從
我始及乎伐罪則料敵以成功至使內有害輔臣之盜
外有懷毒萬民師徒暴野戎馬生郊皇上旰食宵衣公
卿大夫且慚且恥農人不得在畝紡婦不得在桑耗衣
賦之常資散帑庫之中積微邊徼之備竭運輓之勞僵
尸血流荷轂成岳毒虐者號呼無辜勦絕逮今四載禍
亂之兆實始其謀遺君父之憂而豈謂之為先覺者乎
夫古之論大功者不可以力取不可以偽當削平西蜀
乃有異言侍從之臣擒剪東吳則奸謀廊廟之輔馭其德
則有異言其力則不倫何取其所輕而捨其所重錄其
所小而畧其所大且奢靡是嗜而曰愛人以儉受授無
守而曰慎才以廉斥諫諍于外豈不近之蔽聰乎私其

近親豈不近之溺愛乎烏有蔽聰溺愛家範無制而能垂法立程憲章百度謹按諡法曰敬者夙夜警戒敬以直內內而不肅何以刑于外憲也者刑也法也戴記曰憲章文武又發慮憲義以為敬恪終始載厯顯仕未嘗効一法建一功迨及居重位以安和平易寬柔自處考其行與其名不類研其事與其道不侔一定之辭惟精審慎異日詳制始請史官請俟蔡冠將平天下無事然後都堂叢議論議未遲尉遲汾執申敬憲未定張仲方尋出為遂州司馬勅諡曰恭懿

莊肅贈太師北平王羅弘信

孝穆贈右僕射楊嗣復

昭襄贈太子太師崔圓

貞壯贈尚書令羅紹威

雜錄

貞元十一年司徒馬燧葬有司謚曰景武上曰景太宗
皇帝謚改莊武可也元和三年鎮州王士貞薨其子承
宗不順不加謚太常博士馮宿以為懷柔之義不可遺
其忠勞請加美謚從之其年中書門下上言故中書令
漢陽郡王張柬之故侍中平陽郡王敬暉故中書令扶
陽郡王桓彥範故中書令博陵郡王崔玄暉故中書令

南陽郡王袁恕已等五人得史館報並未有謚詔張柬之等皆書勲國史配享廟庭賜謚易名義光百代宜令所司即與定謚聞奏時柬之曾孫曠以謚事詣中書陳訴宰臣上聞因令有司授曠官其年四月有司奏上功臣五王謚議請謚張柬之為文貞桓彥範為忠烈敬暉為貞烈崔玄暉為文忠袁恕已為貞烈從之

五年二月考功奏當司三品以上準格合請謚官準貞元七年格內所舉寶應二年正月十八日勅節文佐吏

錄行狀陳請考功司覆訖下太常定謚者近日以來撰錄行狀多非佐吏既乖事實又違格文伏請從今後請謚行狀準勅文須是佐吏勅旨宜令門下佐吏撰錄行狀以憑詳覆十四年都省奏合請謚家子弟及門生故吏請限未葬以前陳狀其家在遐遠及別有事故者任至一年內陳狀到考功一月內檢勘下太常禮院受牒後一月日內定牒報考功疏德邱園節行特異無官及位卑者任所在長吏奏請仍許不拘年限未立節限以

前合請諡未請者家在城者任六箇月內于所司申請
家在外者亦許至一年內申請立節限後如過限久令
不請諡其中有善惡尤著可存勸誡請委考功訪察行
實便請牒下太常禮院定諡庶使善必見稱惡無幸免
都省奏伏準太常博士李虞仲奏凡官秩合得請諡者
必先莖期請于考功牒送太常寺禮院然後一月內定
諡者伏奉三月二十五日勅宜令尚書都省與考功及
太常禮院更審條流明立節限聞奏者今與考功郎中

蕭祐太常博士李虞仲等商議具條流節限如前勅旨
依奏

唐會要卷八十

欽定四庫全書

唐會要卷八十一

宋 王溥 撰

勲

舊制勲官上柱國已下至武騎尉為十二等有戰功者各隨高下以受畧文本謂資高而勲卑者皆從卑叙至貞觀十九年四月九日太宗欲重征遼之賞因下制授以勲級本據有功若不優異無申勸獎今討高麗其從

駕爰及水陸諸軍戰陣有功者並可聽從高品上累加
六軍大悅

顯慶元年九月二十二日置驃騎大將軍為武官散位
從一品五年八月二十四日制郡公出身正六品下縣
公從六品上侯正七品上伯正七品下子從七品上男
從七品下

龍朔五年七月詔諸王子承嫡者封郡王出身從四品
下衆子封郡王出身從五品下

咸亨五年二月以國初勲官名號與今日不同乃下詔
申明各以類相比武德初光祿大夫比今日上柱國左
光祿大夫比柱國右光祿大夫及上將軍比上護軍金
紫光祿大夫及大將軍比護軍銀青光祿大夫及上開
府比上輕車都尉正議大夫及開府比輕車都尉通議
大夫上儀國比上騎都尉朝請大夫及儀同比騎都尉
上大都督比驍騎尉大都督比飛騎尉郎都督比雲騎
尉都督比武騎尉

神龍元年十月三日勅賜爵准式與國公者累至郡公
外餘爵聽廻授子孫若制勅四階先是四品已上者每
階廻賜爵一級如及郡公外亦許廻授即計升至正六
品上及正四品上准格例未合入五品三品者每一階
廻賜勲一轉

開元十七年十月諸叙勲應加轉者皆于勲官上加若
無勲官一品驍騎尉叙三品于飛騎尉叙四品于雲騎
尉叙五品已下于武騎尉叙其官當及免官免所居官

計隆卑于此法者聽從高叙司勳格加累勳須具示勳
攤銜送中書省及門下省勘會并注毀小勳甲然許累

加按武騎尉每一轉加一等諸勳官犯
除名應叙者二品于驍騎尉等官

二十四年二月五日勅凡刺史縣令與朕共理百姓寄
任尤切等數宜加諸州都督刺史五府長史都護及縣
令每有制加勳階賜物并同京官

太和四年五月十五日司勳奏應考少未合叙三品階
人准格請迴階充勳者每階聽迴充勳一轉如申文解

到省檢勘差錯其勲便請落下

會昌五年正月制上柱國前代勲謂之八柱國品居第一宜峻寵章自後非特恩不在累叙之限

天祐二年六月十六日勅司勲所掌勲及十一月二轉上柱國柱國上護軍護軍上輕車都尉輕車都尉上騎都尉騎都尉驍騎尉飛騎尉雲騎尉武騎尉等勲有遷陟以顯勤勞近年以來止叙柱國耻轉輕車殊不知一柱國已比二品上輕車已比四品官既叙烈勲頗亦近

隆今後宜復故事施行庶止僥倖之路

階

舊制叙階之法有以封爵

謂嗣王郡王初出身從四品下叙親王諸子封郡王者從

五品王國公縣公侯及伯子男遞減一等

有以親戚

謂皇親總麻已上及皇太后周親正六品上叙

皇太后大功親皇后周親從六品上皇祖免皇太后小功總麻皇太后大功正七品上皇后小功總麻皇太后

妃周親從七品上外戚各依本降二等娶郡主正六品上娶縣主正七品上郡主出身從七品上縣主子從八

品上叙

有以勲庸

謂上柱國正六品上叙柱國已下遞減一等

有以資蔭

謂一品子

正七品上叙至從三品子遞降一等四品五品各有從正之差亦遞降一等從五品并國公子八品下叙三品

已上蔭曾孫五品已上蔭孫降子一等曾孫降孫一等贈官降正官一等散官同執事若三品帶勳官即依勳官品同職事蔭四品降一等五品降二等郡縣公子准從五品孫縣男已上子降一等勳官一品子又降一等二王後子孫

有以秀考

謂秀才上上第正八品上叙以下遞降一等明經通一經

進士明法甲第從九品上乙第降一等明經通二經已上每經加一階凡孝義旌表門閭者出身從九品上叙

有以勞考

內外六品已下四考滿皆中中考者進一階每中上考又進一階每一上下考進兩階若

兼有下考得應入三品五品者皆待別制而進之不然

則否

乾封元年正月十日勅文內外官九品以下加一階七

品以上宜加一階八品已下更加勲一轉

泛階自此始也

至弘

通元年十二月四日敕文見任内外官五品已上經四考及守五品經三考六品已下兩三考政有清勤狀無私犯者各加一階

蘇氏記曰乾封已前未有泛階之恩應入三品者以恩舊制特拜入五品者因選叙計階至朝散大夫已上奏取進止每年量多少進取餘並從本品授官若滿三計者即一切聽入乾封以後始有泛

階入五品三品者

永淳元年正月詔曰比來文武官計至五品一計至者多未甄擢再計至者隨例必升賢愚一貫深垂獎勸今後一計至已上有在官清慎材堪應務者所司具狀錄奏當與進階若公正無聞循然自守及未經任州縣官雖已屢經計至亦不在加階之限

萬歲通天元年七月四日制文武官加階應入五品者並須出身歷十三考已上進階之時見居六品及七品

已上清官者應入三品取出身二十五考已上進階之時見居四品者自外縱計階應入並不在進階限其奇才異行別効殊功者不拘此例至開元十一年二月五日勅自今以後泛階應入五品以十六考為定及三品以三十考為定其名賢宿德及異跡殊狀雖不逢泛階或應改至次年始與節限同者亦以名聞仍永為恆式至其月二十八日内外官承泛階應入五品者制出日經三十考見任四品官本階正四品上其考須先已申

考訖階湏已授告身其新考雖未校成檢勘無勾留別
犯亦許通計為考其校中侍御史補闕詹事司直京兆
河南府判司太常博士應入品並同六品官例證聖元
年懷州獲嘉縣尉劉知幾上表曰臣聞君不虛授臣無
虛受授受無失是曰能官又曰妄受不為忠妄施不為
惠此皆聖賢之通論也准漢世有賜爵一級恩澤封侯
此曠古殊逢千載一遇非是頻煩渥澤每歲常行者也
今皇家始自文明迄于證聖其間不過十餘年耳海內

具寮九品已上每歲逢赦必賜階勲無功復獲賞徵倖
實為深矣其釐務當官尸素尤衆無論官途規求仕進
不希考第取達唯擬遭遇便遷或言得一品未脫碧衣
待一階方被朱服遂乃早求笏帶先辦衫袍今日御承
天門必是加勲一轉明日饗賓宣陽宮多應賜給一班
既而於願果諧依期必獲得之者自謂已力受之者不
以為慙至于野外宴聚公私集會緋服衆于青袍象板
多于木笏望自今後稍節斯恩使士林載清人倫有叙

聖歷二年三月制有能通九經者授朝議大夫通三經已上者進兩階並隨材擢用

神龍元年八月二十一日勅六品以下官緣州縣改入上中下階品與元授不同者宜依舊任考滿日依本資選叙不須改動

開元三年八月十七日勅官不濫昇才無虛授惟名與器不可以假人左賢右戚豈資于繆賞駙馬都尉從五品階受自光朝頗虧前式迨穠華甫降紫艾先登不循舊

章有素纁典宜遵古訓已革踰弊俾九族無私千官有叙自今以後駙馬階宜依令式仍借紫金魚袋

大厯十三年正月特加朝議郎守門下侍郎同平章事常袞九階為銀青光祿大夫

貞元二年十月庫部郎中知制誥張濛奏伏准貞元元年十一月制三品已上賜爵一級四品以下加一階者臣謹詳制旨本以三品已上其階已貴故賜爵四品以下其階未貴故加階伏緣請條不標所限司封據品通

金史卷八十一
取職官其有官是三品已上階是四品以下者遂以階
叙官又以官叙階爵比于官階等者受賜偏優臣欲准
狀覆成則慮于此濫檢條破格復無以依憑官既隨用
則遷階乃累考方至泛恩叙爵理合從階若許參約職
官伏恐競為僥覬臣今謹具賜爵例如前望為永式勅
旨依奏

三年正月申書舍人高參奏准貞元二年一月勅准制
三品已上賜爵一級並以三品階為限者具有以五品

受賜者並未標格限所司檢勘不備其貞元元年十二月制五品已上賜爵一級亦請以五品為限仍望為常式依奏

六年六月吏部奏准格內外官承泛階應入五品者制出日須經一十六考見任六品官正階正六品上應入三品者制出日經三十考見任四品官本階加正四品自建中元年六月初有特勅諸道將士准制加泛階爵勲等特許不檢勘注擬其正員官不在此限日後有司

因循以例破格應試官叙階並不限官品其中或官是
九品階稱朝議郎或官是六品階稱正議大夫加一泛
階並入三品五品伏以元勅令或不檢勘無不限官階
之文若以例判或即隱違格令請別立條限漸歸舊章
應將士兼試官叙泛階奏勅已到令入三品者矜其勞
效湏有優獎其官階相當並請不限考數檢當任一銜
委實許與結叙其階高官卑者請准格處分

十年五月勅諸軍功狀內其判官等既各有年限并諸

色文資官不合軍行自今以後更不得叙入戰功其掌書記及禮目官等亦宜准此如有灼然功效可錄任具狀奏聞

十二年四月裴延齡自朝請大夫特加銀青光祿大夫十五年十二月勅內侍省自今以後高品官白身等官至五品已上合結朝散大夫等階及准各母妻合得邑號并結階累勲階者並宜當司磨勘具狀銜奏來

元和十三年六月制書云舊例皆云三品以上賜爵三

品為銀青光祿大夫雲麾將軍已上若職是官雖是三品散官四品以下並不得叙爵但有三品以上散官雖四品職事官並合叙爵其所叙爵止于郡公其郡公更蒙賜爵即聽廻授其國公及封王並須特恩云在叙限其國公及封王准賜爵亦聽廻授其制書中有諸色職掌臨時處分其職掌即不限高卑准制便叙有司更不得妄授須三品階例近日有司起請中往往有言其效叙爵須限職事三品官此乃深昧典章紊亂綱紀其叙

階據制書舊例四品已下階四品謂正議大夫征武將軍部冗繁職官內外官叙三品者皆須文武散官至四品上叙五品者皆須文武散官至六品上如四品階并是通議大夫比武將軍以下六品階承議郎昭武副尉以下雖制書中累加散階亦在不叙三品五品之限如一制中累加散階亦不得先叙一階至正議大夫忠武將軍朝議郎昭武校尉因續取制書中所賜皆叙三品五品永宜禁斷如兩制書日月相近亦准前不得直須

制書出時以正議大夫忠武將軍朝議郎昭武校尉已
成方得叙三品縱制書中有優勞合加數階入三品止
于銀青光祿大夫雲麾將軍入五品至于朝散大夫游
擊將軍不在累叙金紫光祿大夫冠軍大將軍以上階
並須特恩不合累叙其外命婦封內外官母妻各視其
夫及子散官品今不得約職事官品文武五品階為縣
君四品階為郡君三品以上階為郡夫人即止其國夫
人須待特恩不在叙例如至郡夫人又有制書賜封即

改為郡夫人受新恩履歷而已

十三年六月中書省奏應叙錄將士兼試官加泛階入正三品五品伏准貞元六年六月二十七日吏部所奏具有科條近日因循多不遵守遂名器踰濫昇進無章須重申明冀絕僥倖自今以後應叙錄入五品三品階者並請准前勅處分其餘正三品以上階准格式須有特恩不在用考累叙之限從之

會昌四年正月內侍省奏內侍省叙階長定格著紫供

奉官及銜內有賜紫官叙階不得過金紫光祿大夫著
緋供奉官及銜內有賜緋官叙階不得過正議大夫著
綠供奉官及銜內有賜緋官叙階不得過朝議郎勅旨
內侍省官叙階起今以後宜依前件其有會昌二年四
月准制合與擬階者便依此處分其銜內無賜緋官先
校朝散大夫以上階者宜令仍舊不得輒與改轉以後
如有特恩勅別宣與改轉者即不在此限永為定規

用廕

景龍二年七月七日皇后表請諸婦人不因夫子而加
邑號者許同見任執事官聽子孫用廕制令施行

開元四年十二月勅諸用廕出身者一品子正七品上
二品子正七品下正三品子從七品上從三品子從七
品下正四品子正八品上從四品子正八品下正五品
子從八品上從五品子從八品下三品以上廕曾
孫五品以上廕孫孫降子一等曾孫降孫一等贈官降

正官廕一等

死王事者與正官同

散官同職事若三品帶勲者官

即依勲官廕四品降一等五品降二等

四品五品帶勲官者不在廕曾

孫之

限 郡縣公子准從五品孫縣男已上子降一等勲官

二品子又降一等即二王後子孫准正三品廕戶部格
勅應用五品以上官廕者須頭銜告身三道若歷任官
少據所歷任勲如申送入色有假濫者州縣長官上佐
判官錄事參軍並與下考仍聽人糾告每告一家賞錢
五十千錢出廕人及與廕家

天寶二年九月二十七日詔頃叙功勞累增勲級上柱

國外許及周親是請賞延載榮宗族廼充賜物匪厚朝
恩其准格上柱國外有餘勲無周親析給賜物宜傳仍
永為恒式

六年正月十二日赦文内外文武官五品已上官父祖
無替廕者其所用廕宜同子孫用廕之例

大中十四年十二月鄭勲為吏部侍郎時有德音官階
至朝散大夫許封贈至正議大夫廕一子至光祿大夫
門設榮戟一日內侍省高品以階至正議請廕子仍校

大歷中魚朝恩舊例上批曰正議大夫誠宜廢子比同
高品不拘此例

自是無復請者

考上

武德二年二月上親閱羣臣考績以李綱孫伏伽為上
第上初受禪以舞人安叱奴為散騎侍郎綱上疏論諫
伏伽亦諫賞獻琵琶弓箭者及請擇正人為太子諸王
師友皆言詞激切故皆陟其考第以旌寵之

貞觀三年尚書右僕射房玄齡侍中王珪掌内外官考

治書侍御史權萬紀奏其不平追按勘問王珪不伏舉
按上付侯君集推問秘書監魏徵奏稱必不可推鞠且
玄齡王珪國家重臣俱以忠直任使其所考者既多
或一人兩人不當終非有阿私若即推繩此事便不可
信任何以堪當重委假令錯謬有實未足虧損國家窮
鞠若虛失委大臣之體且萬紀比來恒在考堂必有乖
違足得論正當鑒見切無陳說身不得考方始紿彈
徒發在上瞋怒非是誠心為國無益于上有損于下所

惜傷于理體不敢有阿疏奏遂釋不問

六年監察御史馬周上疏曰臣竊見流內九品已上令有等第而自比年入多者不過中上未有得上下以上考者臣謂今設九等正考當今之官必不施之于異代也縱朝廷實無好人猶應于見在之內比較其猶善者以為上第豈容皇朝之士遂無堪上下之考者朝廷獨知貶一惡人可以懲惡不知褒一善人足以勸善臣謂宜每年選天下政術尤最者一二人為上上其次為上

中其次為上下則中人以上可以自勸

十一年正月十五日勅散仕一切以門廕結階品然依勞進叙凡入仕之後遷代則以四考為限四考中中進年勞一階每一考進一階一考上上進二階五品已上非特恩刺史無進階之令

上元二年大理寺丞狄仁傑考中正上考使尚書左僕射劉仁軌以新任不錄大理卿張文瓘稱獨知理司之要仁軌大驚問分斷幾何獄文瓘曰歲竟凡斷一萬七

金史卷八十三
千八百人仁軌乃權為上下考

高宗時滕王元嬰為金州刺史頗縱驕逸動作無度高宗書戒之極為至切又勅之曰朕以王骨肉至親不能致王于理今書王下下考以媿王心

開耀元年十一月二十三日勅縣令有聲績可稱先宜進考員外郎侍御史京兆河南判司及自餘清望官先于縣令內簡擇

開元三年正月五日勅內外官考未滿所司預備替人名

為守闕特宜禁斷縱後有闕所由不得令上其年六月
八日勅刺史能否郎官御史出日較量殿最定為五等
奏聞考集日考使與左右丞戶部長官重詳覆類例考
限內錄奏以憑升黜

四年四月七日勅選人既多比銓注過謝了皆不及考
遂使每年選人即虛破一年闕在于公私俱不利便自
今以後官人初上年宜聽計年終已來滿二百日許其
成考仍准遷考例至來年考時併較永為恒式

十四年御史大夫崔隱甫充校外官考事舊例皆委參問經春未定隱甫召天下朝集使一時集省中一日校考便畢時人伏其敏斷

十七年三月中書舍人張垧其父左丞相說知京官考時注垧考曰父教子忠古之善訓祁奚舉午義不務私至潤色王言章施帝道載參墳典例絕常功恭聞前烈尤難委任豈以嫌疑敢撓綱紀考以上下時刑部尚書盧從愿頻年充校京官考使中丞宇文融承恩用事

以檢戶口功本司校上下考從愿抑不與之頗以為恨
遂密奏從愿廣占良田至有百頃上嘗擇宰相有薦從
愿者以此遂寢

十八年勅京官考滿帶祿選有本司要籍奏留請不用
闕者所有選數不須與成勞

二十二年十二月十三日勅諸州考使六品已下朔望
日朝宜准例賜食

二十八年三月二日勅先是內外六品應補授官四考

滿待替為滿是日制今以歲為滿不待替縣令知倉庫供奉伎術及權充綱領等不在此限至其年十二月十六日勅内外六品已下官依舊待替其無替者五考滿後停

天寶二年八月五日考功奏准考課令考前釐事不滿二百日不合成考者釐事謂都論在任日至考時有二百日即成考請假停務並不合破日比來多不會令文以為不入曹局即不為釐事因此破考臣等參量但請

俸祿即同釐事請假不滿百日停務不至解免事雪却上其考並令不破若有停務逾年不可更請祿料兼與成考勅旨從之

八年正月二十三日勅所校內外官考准令京官正月二十日進單數二月二十日進挾名外官二月三十進單數三月三十日進挾名自今以後並了日一時挾名奏不須更進單數六月七日吏部侍郎李彭年奏准例出身以來並合檢覆中間已叙五品勘責皆有所憑

今重檢尋恐為煩擾如曾經勘責叙任者請從五品以下勘檢其五品已前但勘考數足即為進叙勅旨依

乾元二年二月御製郭子儀李光弼苗晉卿李麟李輔

國考辭

寶應元年十月吏部奏准今年五月勅州縣官自今以後宜令三考一替者今數州申解疑三考後為復待替到為復便勒停請處分者今望令已校三考官待替到如替人不到請校四考後停

二年正月考功奏請凡京外按察司京察連御史臺分
察使外察連諸道觀察使各訪察官吏善惡其功過稍
大事當奏者使司案成便奏每年九月三十日以前具
狀報考功其功過雖小理堪懲勸者按成即報考功至
校考日參事跡以為殿最閏月考功奏凡內外員外郎
官等除合在定數外准勅並任其所適既不入曾無憑
檢者比來或中者即與見在同奏檢勘之時或破不一
文案混雜條流未明臣等商量望請自今以後内外文

武員外同正及試官除合在任外一切不在申校之限
並聽從授日計考准中中例叙用從之

大歷十三年正月勅捉獲造偽及光火強盜等賊合上
考者本州府當申刑部建中初嚴震為興鳳兩州團練
使治行為山南第一特賜上下考封鄖國公其年六月
門下侍郎平章事盧輓奏准六典中書舍人給事中充
監中外官考使依奏至三年閏正月復置監考使

貞元元年九月以刑部尚書闕播吏部侍郎班寵為校

內外曹考使

其年十二月勅六品已下本州申中上考者納銀錢一千市筆墨朱膠等者元置本五分生利吏部見有餘自今以後其外官京官考錢並停

二年九月考功奏校京官外官考使准舊例差定聞奏勅其校考使宜停其考課赴所司准式校定

三年三月詔以停減天下官員其停官計日成兩考者准舊成貫資准常式兩考以下至來年三月三十日處

分

四年正月勅文九品已上正員及額內官得省替者委諸長吏聞薦見任者三考勒停

七年八月考功奏准考課今諸司官皆據每年功過行能定其考第又准開元天寶以前勅朝官每司有中上考亦有中中考自三年來諸司並一同申中上考亦且課績之義不合雷同事久因循遂廢朝典自今以後諸司朝官皆須據每年功過行能仍比類格文定其升降

以書考第不得一例申中上考應諸司官長書考不當
三品已上具銜牒上中書門下四品已下依格令各准
所失輕重降考是月考功奏准諸司皆據功過三考過
自至德後一切悉申中上考今請覆其能否以定升降
過於至德從之自諫議大夫給事中郎官有書中中考
者尚書左丞趙憬言前薦果州刺史韋正坐賊廢請降
其考校考使吏部尚書劉滋以憬能言過奏中上考其
年十二月校外官考使奏准考課今三品以上官及同

中書門下平章事考並奏取裁注云親王及大都督亦同伏詳此文則職位崇重考績褒貶不在有司皆合上奏今緣諸州觀察刺史大都督府長史及上中下都督都護等有帶節度使者方鎮既崇名禮當異每歲考績亦請奏減其非節度觀察等州府長官有帶臺省官者請由吏部

八年七月班寵遷刑部侍郎兼京官校考使時右僕射崔寧兵部侍郎劉廼上下考究正議曰今要荒靖難專

在節制尺籍伍符不校省司夫上多虛美之名下開趨競之路上行阿容下必朋黨因削去之廼謝之曰廼雖不美敢掠一美以徼二罪乎

其年十月以刑部尚書劉滋為校外官考使吏部侍郎杜黃裳為校京官考使給事中李巽宜監京官考中書舍人鄭珣瑜宜監外官考

九年七月制縣令以四考為限無替者宜至五考

十年二月刑部奏准建中元年正月十七日勅諸司州

五品以上正員及額內上佐宜四考停其佐降官不在
此限者五品不降既不許停祿料六品已下未復資已
經四考者未量移間其祿料伏望亦許准給勅旨祿料
宜准天寶六載七月十四日勅處分餘依常式

十四載六月廬邁自司門郎中遷右諫議累上表言時
事轉給事中屬校定考課邁固讓以授官日近未有政
績不敢當上考時人重之

元和二年五月中書門下舉今年正月勅文上言國家

故事于中書置具員簿以序內外庶官爰自近年因循
遂廢清源正本莫急于斯今請京常參官五品已上前
資見任起元和二年量定考數置具員簿應諸刺史次
赤府少尹次赤令諸陵令五府司馬及東宮官除左右
庶子王府官四品已下並請五考其臺官先定月數今
請侍御史滿十三月殿中侍御史滿十八月監察侍御
史依前二十五箇月與轉三省官並三考外餘官並四考
外其文武官四品已下並五考商量與改尚書省四品

已上餘文武官三品已上緣品秩已崇不可限以此例
須有進改並聽特奏取進止其權知官須至兩考然後
正授未經正授不得權用權知官資改轉其中緣官闕
要人及緣事須有改移者即不在常格叙遷之限諸道及
諸司副使行軍司馬判官參謀掌書記支使推官巡官
等有勅充職掌帶檢校五品以上官及臺省官三考與
改轉餘官四考與改轉

元和七年勅使府參佐檢校試官從元授官月日計如

是五品已上官及臺省官經三十箇月外任與改轉餘官經二十箇月奏改轉若是未經考使有故事及停替官本限之外更加十箇月即任申奏

十四年十二月考功奏自今以後應注考狀但直言某邑行能某邑異政某邑樹置某邑勞効推斷某邑獄糺舉某邑事便言善惡不得更有虛美閒言其中以下考亦各言事狀然注考並不得失于褒貶如違據所失輕重准令降書考官考又奏自今以後其有政能卓異清

苦絕倫者不在止于上下考限依奏尋又奏據寶應二年勅御史臺御史臺分察使及諸道觀察使訪察官吏善惡功過稍大事當奏聞者每年九月三十日具狀報考功至校日參驗事跡以為殿最伏以近日功過都不牒報今後諸司不申報者州府本判官便與下考在京諸司追節級糾處本判官勅課日量事大小黜陟勅旨從之

十五年刑部郎中權判考功馮宿奏宰相及三品已上

官故事內校考別封以追翰林學士職居內署事苟寵
知請依前書上考課官御史亦仍舊並書中上考

長慶元年正月考功員外郎李渤書宰相等下考

太和六年七月勅今後諸州五品長馬權知者權知正
授通計六考滿傳其勅留官未滿六考停給課料准此
却給

唐會要卷八十一